

漢陽縣識卷三

人物畧上

古循吏所至民安所去民思思之而不能忘卓然有實

政可紀者也舊志名宦一以知縣為斷宋名令簿佐之元名尹明以來

皆稱沿其例而增入縣祠崇祀二太守冠人物篇端

程瑞明洪武初年任以縣人而守本郡兵火之餘撫流

亡修廢墜民爭歸之後祀名宦

鍾謙鈞字雲卿湖南巴陵人由佐雜保升知府同治初

年任慈祥惠愛承咸豐兵燹餘百廢具修類皆捐廉提

漢陽縣識 卷三 人物畧上 初刻乙校 一

創而於規復晴川書院養育人才肇建育嬰敬節堂維

持風化尤為加意時漢口海市初開貨財輻輳捻匪游

弈黃孝間屢肆窺覬謙鈞請修築堡垣屹成重鎮嗣遂

不復南擾楚甸以安上邀 特眷超遷廣東鹽運使

去郡日會江漢水溢災民十數萬就賑城市皆厯蒙棲

冬糜粥者哭送不絕聲明年水復溢決縣屬江隄謙鈞

聞之遠致九千金工賑兼施其拳拳舊部猶如此光緒

元年奉准祀名宦

宋簿劉剛中字德言光澤人嘉定年任與知軍黃幹相



友善切磋之益居多

元尹秦文郁開封人許弼字賢輔益州人循聲並著民
悉感其德

明知縣趙庭蘭徐人洪武年任愛民息事朝廷徵陳氏
潰卒獨以平原自無應民尸祝之後祀名宦 王叔英

字原采黃巖人實心實政嘗值歲旱禱雨立應繼雨淫

不止復禱於神天旋霽

禱雨祈晴
文具文錄

召入翰林靖難時殉

節 鄧鏞豐城舉人嘉靖年任吏事精純其處置山陽

三圖荒廢田地裁減重支應付卓卓可傳 夏子諒涪

漢陽縣識

卷三

人物畧上

二

州舉人執法不撓藩校惴然 喻應台榮昌人萬厯年

任祀名宦舊志佚其傳 劉紀四川舉人馭吏嚴明無

敢戩法歲大水多方賑糴民慶更生 學官李德字仲

修番禺人博學工詩洪武年以薦任教諭 趙弼字雪

航巴人永樂年以貢任教諭盡心訓迪丕變士風縣舊

無學宮附於府弼力請籌度創建至今遵之生平著作

頗富梓行者有通鑑雪航膚見效輦集兩種又宣德中

纂修府志稱善本卒葬於縣西十里

舊志中丞
席書誌石

後遂占

籍子蕃正統十三年進士官主事曾孫進宏治八年舉

人官西充知縣

國朝知縣金漸臯仁和舉人順治年任性仁慈遇歉歲捐俸以賑饑民其修學課士於貧而有行者增給膏火優異之輿頌洽然康熙中祀名宦 唐之柏灌陽舉人康熙年任有幹才值滇黔梗化縣爲出師孔道籌應裕如民以安堵 閻鈞字堅西長垣舉人雍正年任才識通敏請創修闔府試院至今頌之 沈孟堅字研圃德清進士乾隆元年任以文章飾吏治事辦而民不擾後官至江甯知府所至皆有政聲繼之者綏德州舉人劉嗣

漢陽縣識

卷三

人物畧上

三

孔有蕭規曹隨風纂修縣志自沈劉始 裘行恕字慎甫新建舉人嘉慶中年任宰縣歷十餘載修廢舉墜罔卹財力上游推爲湖北能吏第一 耿麟直隸舉人賴以立江西進士皆以清標峻望繫去思 趙德轍字靜山解州進士水災籌賑允洽輿情循績上 聞超遷松江知府洊升至江蘇巡撫 馬晉圖字稼軒漢軍貢生成豐八年任撫字安輯民忘兵燹縣中錢漕沿習爲里差墊截其孱弱花戶輒捐俟逾限後藉詞苛求櫃書狼狽相依卽鄉農遵例赴納亦復刁難萬端甚且投入銀

錢遷延旬月終不獲券而仍被里差重徵晉圖訪知之
公餘輒微服雜鄉農中究詢苦累故吏胥無敢肆而收
數踴躍異常上下交受其利 孫福海字補堂榮成舉
人同治二年任果決嚴明吏畏民服縣邑正供向爲胥
役中飽官民交病福海燭知弊隱毅請改章詳定完納
錢數除大戶遵例自封銀兩投櫃外其零星小戶不及
銀一兩者照正銀一兩完納十足大錢二千五百文合
算依限赴納不准加索分文亦不准里差墊截致被措
券苛收示諭城鄉永以爲例而逐年積弊一清 黃式

漢陽縣識

卷三

人物畧上

四

度字蘭丞善化舉人同治五年任嚴馭吏寬治民折獄
尤詳慎盡心而於詣驗命案輕騎減從各按程發給口
食示革地保苛派厰費違者許當場稟究最愜輿情縣
志一修於乾隆年知縣劉嗣孔再修於嘉慶年知縣裘
行恕又五十年矣式度徵文考獻開局續編繼任王庭
楨承之始獲成書採藻摘華蔚然鴻製 學官徐躍字
南墅蘄水舉人能文章多才幹爲守令所契重縣人從
游者甚夥府縣試前茅半出其門下

列傳戴景文字希敬明洪武二十六年舉人初官舞陽

縣諭歷九年弟子多所造就擢甯府伴讀以輔翼自任
隨事進規浸不合棄而歸年方強仕授徒自給泊如也
後祀鄉賢四世孫金

戴金字純夫號龍山正德九年進士授蘇州府推官遷
撫州嘉靖初擢廣西道監察御史獨立敢言時人目之
曰楚有二金臺中錚錚蓋同官黃梅石金亦以抗直稱
云出巡兩淮奏陳鹽政十二條切中利病奉旨頒行按
四川芒部隴勝陷新設鎮雄府金劾奏蠻酋初亂勢原
可撫伍文定決計進兵重糜餉餽王軌偏聽邪說違眾

漢陽縣識

卷三

人物畧上

五

改流致鄰部內懷不安叛者羣起臣以爲文定及軌可
罪也又言烏蒙諸部土官與芒部世爲唇齒僉望隴氏
還舊地請如宣德中復安南故事朝議從之蜀疆以靖
入爲副都御史俺答頻內犯金上備邊十二策復蒙允
行二十三年十月蔚州警報至世宗知金才可任進兵
部尙書督京團營人心始定解嚴後寵眷有加嚴嵩方
柄用啣金敢言喉臺諫朋攻之明年閏正月免憂憤成
疾卒上聞震悼賜祭葬予祀鄉賢金立身清苦當事明
晰官中外三十餘年勳名卓著且熟諳掌故於書無所

不讀著三難軒全集質正卷人四庫使蜀稿海防稿江西詩

紀宦滁集棘署餘聞行於世舊志墓在公仁山又都憲尚書坊在府學西尚書坊

在貢院西曾孫自成字哲之崇正四年進士官刑部主事歷

員外郎中錄審江南人稱平恕出為徽州知府一以安

靜治之會建陽兵譁巡方檄往鎮撫積勞卒

李芄先世出江西遷潛江明洪武初再徙縣之官橋鄉

祖頊文學躬耕從祖瑜瑄瑜由明經歷官至太僕寺丞

以少卿歸養據舊志瑄蚤卒頊瑜仰承先志割腴產畀其

孤教之成立門以內雍雍如也芄成化十六年舉人官

漢陽縣識 卷三 人物畧上 六

太和知縣著清謹稱旋告歸課子成名子簡正德五年

舉人除知巴縣多惠政辟荒報最遷知簡州未任卒於

巴貧無以殮巴人爭賻之始歸葬後與父芄並祀鄉賢

舊志三世巍科坊為李芄等立簡有曾孫世鼇

李世鼇字宇載萬厯十年舉人學歸實用江夏郭文毅

正域雅重之初知來安縣清謹惠愛遠紹風規署疏督

井獲白金盈甕命亟掄焉曰非吏所應有也遷太倉州

州號繁劇難治有武弁倚權閹勢覬謀孀嫂產誣及帷

簿私屬鼇廷訊明數其罪寘諸法豪橫斂跡嗣坐文毅

門戶罷歸舟一道士乞附鼇納之行數日羣盜來劫舟人皆惶懼失措道士徐起出兩銅鉞於衣袖圓五寸許繫以索疊爲收放欵若電光沒數盜水中餘乃遁道士曰某部民知盜來蹤感公廉所以報也此去利涉無虞矣長揖登岸鼇有子二長自玉由明經貢太學不赴攻苦喪明仍日夕陳書使人朗誦聽之弗少懈著通史聯珠 卷次自生以諸生終有子以篤

李以篤字雲田晚號老蕩子性骯髒坦率經史子集縱橫几筵涉獵間能窺大意文筆多奇崛不屑屑科第法

漢陽縣識

卷三

人物畧上

七

程郃督學煥元特賞之曰吾按楚十五郡僅得一漢陽 李生惜古器今難賣耳 國朝順治年貢入太學輦

下名公卿爭相羅致槩謝弗往既落拓無所遇遂肆情聲酒縱游齊魯吳越間遇名山水輒假詩歌以鳴其不平龔合淝鼎孳作老蕩子失意行贈之而以篤詩名雄南北矣明季竟陵詩學盛行浸入於幽深僻澀迷而忘返以篤獨超然塵俗陶寫性靈無蕪穢之音無噍殺之響故尤爲當時推重卒後家不戒於火遺稿焚失僅存醉白堂菜根堂兩集梓行弟以籍亦工詩文著醉史荒

言雙清堂集籍幼子序韓世其詩學兼善繪元人花鳥
栩栩如生顧性介潔有監司持金索畫堅不應怒遣役
往拘序韓匿古寺佛龕下絕粒三日乃免又監生李志
賢頊之裔孫好施予嘗值潦歲過沔陽見暴骨徧野捐
置曠地安葬凡數百家鄉人莫不高其行

朱文炳明宣德中以貢薦授山東道御史縣志選舉表
佚僅見府志

朱衣字子宜武昌衛籍正德十五年進士官江西道監

察御史督學畿輔有得士聲清軍江北值大饑便宜發

粟活人甚眾朱寵字德承千戶所籍嘉靖二十三年進

漢陽縣識

卷三 人物畧上

士初知海門置豪猾於法縣以大治課績第一擢陝西

道御史旋丁父憂歸世傳為三代御史縣人又目衣曰

東朱寵曰西朱舊志衣際永嘉議禮寵值分宜弄權入臺

未久引退還鄉疏薦不乏人卒弗徵蓋皆為時相所尼

也鄉居日絕跡公庭門無私謁其清操亦復相符後並

祀鄉賢衣尤善文章彙修府志三卷極為簡潔舊志朱
衣墓在

湯家山五雲丹詔坊為朱
衣父鳳立進士坊為衣立弟表裏悉舉於鄉舊志朱裏
嘉靖十三

年舉人朱表
十六年舉人襄孝子母病臂痛割股和藥以進立瘞僉

謂肫誠格天寵弟宇以貢授訓導職有文名舊志朱寵
墓在千子

山繡衣坊
爲寵立

文炳七世孫芸由貢生授合水知縣芸子祚
宏字叔恢萬曆四十六年舉人崇正中知梁山縣會川
東兵興供億百出粥家產三千金濟之不以擾民調江
津揭豪紳刁化神惡狀寘諸法民慶重蘇遷知合州嚴
守禦獻賊不敢偪以勞晉川東兵備副使鎮歸州明亡
州爲獻賊餘黨崔洪英攻陷死之後二十年子國俊乃
扶喪歸葬國俊字甸方明諸生早年工詩好游所至輒
樹幟吟壇晚遭家變結茅真山遁跡老佛終其身年七
十五無疾而逝著昨非堂稿

漢陽縣志

卷三

人物畧上

九

蕭良有字以占號漢沖曾祖樂甯由廬陵徙縣之文寺
山父達好施嘗值歉歲兩捐千金助賑後以貢官泰安
州同知有惠政良有生而穎異著神童名十一齡入郡
庠成童領鄉薦明嘉靖四十三年也數上公車不第乃
與弟良譽游南雍許祭酒國奇其文一時名士在畱都
者爭納交蕭氏昆仲不啻機雲入洛云萬曆八年申文
定時行典禮闡釐正文體獲良有爲首選殿試列一甲
二名領狀者爲張懋修江陵相國中子江陵重良有才
欲羅而致之門下良有弗往日與同榜顧憲成魏允中

游以道義相切劘江陵益弗善也江陵歿言路爭以攻
擊相先良有獨昌言於廷曰江陵非奸相稍恃權而驕
耳今反其稅政收其廢賢足矣柰何聳聖主辱舊臣老
母孱子哉政府趨其論而言路羣側目良有矣建儲議
起良有上書申文定請以去就爭文定不能決及併封
三王諭下良有偕諸詞臣疏諫並謁王文肅錫爵於政
事堂抗顏詰論事乃寢良有初授編修充經筵講官編
纂章奏洊升至國子監祭酒始終兼侍講職在史局十
五年負公輔望且器局閎深不隨人爲俯仰政府承江
漢陽縣識

卷三 人物畧上

十

陵後一切博寬大名浸以情媮良有感激知遇屢陳時
政人不能容而慎密無可指摘給事葉繼美乃以侵六
部權劾良有不報良有知眾邪醜正謝病歸家居八載
而卒天下惜未竟其用也生平博淹羣籍尤邃麟經典
制諸鴻篇操筆立就著春秋纂傳玉堂遺稿若干卷屢
典鄉試兩校禮闈得人稱盛孫太傅承宗朱少保國楨
其尤著者天啓初以講幄功贈禮部右侍郎賜祭葬廕
一子舊志蕭良有墓在沌口葉文忠誌子二長丁泰字
石榜眼坊爲良有立在儒學西吉甫萬曆二十九年進士授行人擢兵部主事典壬子

陝西試出而備兵江陰晉山西右布政使移陝西左使
天啓中逆閹竊柄引歸崇正初起陝西右布政使改山
西廣東遷貴州左使丁泰六任藩伯節用豐財帑藏以
裕官黔日水西安氏亂調兵籌餉佐朱總制燮元進剿
積勞卒舊志墓在麥山西游莊次引萃廕生授都察院經歷擢至
戶部郎中在部十年綜釐錢糧吏胥無所售其奸以資
深出守尋甸乃假考功令中傷之侍郎侯恂力爭於朝
始得鐫級降鹽運通判旋卒丁泰子驥彥天啓年拔貢
授通判職省親赴黔朱總制燮元偉其幹略以將才薦

漢陽縣志

卷三 人物畧上

十一

改游擊累著戰功洊升總兵官掛平魯將軍印鎮廣東
未任卒驥彥子廣昭 國朝康熙年貢生企昭具後傳
廣昭子元亮由貢授武昌府訓導上游器其才保薦入
都卒於潞河舟次

蕭企昭字文超順治十四年拔貢幼年篤志自立探求
性命之精貢入太學與孝感熊文端賜履往復辨論深
相契合其學尊朱子斥王氏心平氣和無明人叫囂習
故文端深重之採其說於所著書中年甫三十二而卒
著性理譜五卷閻修齋稿一卷人四庫又東野樓集病餘

詩存若干卷

蕭良譽字以孚號漢穎其先遜隱居自適昆仲四遷運

以節俠顯達諸生有文名

舊志蕭達傳子良有良譽蕭遜傳子良舉封贈門蕭遜以

孫鳴甲貴贈蕭良譽以子鳴甲貴贈

良譽幼受學於伯兄良有偕游南雍

名與兄埒萬厯八年同榜成進士授戶部主事典試陝

西厯員外郎中出守甯國與推官高安朱吾弼講學敬

亭士習振興稱宛陵鄒魯焉洊升河東提學副使再補

廣東移病歸起河東參政旋卒於里年僅四十七

舊志墓在

萬家湖

良譽學有根柢雅負知人鑒湯賓尹困諸生日一

漢陽縣識

卷三

人物畧上

三

見其文卽以大魁許之明年果及第世詔爲奇識著過

庭代對錄宣城紀游若干卷子鳴甲字爾先萬厯三十

二年進士令平湖值歲歉鄰縣皆募賑鳴甲獨出公帑

以濟民感悅擢戶部主事遷正郎魏廣微欲援入閩黨

拒之遂嗾令督甘肅軍儲闖敗乃移四川右參政改補

河南降流賊沈萬登有功遷右布政就遷左使引疾歸

流賊竄河北趣召入覲道順德府遇賊與同里雲南通

判劉亮大罵不屈死時崇正十六年三月三日也

舊志蕭鳴

甲墓在曹莊

鳴甲子著齡諸生性慷慨從兄某居燬於火割

已宅居之貧友誤賣婢於樂籍捐金贖歸其他義舉多稱是

明李宗魯字學仲先世爲江西玉山治官李氏宋南渡

時徙漢陽一日宋初授齊安治官留居焉再徙漢陽元有李義好行其德捐

修武昌黃鵠磯漢城大隄石鏤義名可證也父鍊承遺

訓濟貧周乏至罄其家弗之恡逮宗魯而始顯蓋居漢

十七世矣宗魯爲文茁軋不可馴萬厯御極鄉試擬元

卒抑而魁明年成進士授中書舍人歷五載遷兵科給

事中入直經筵屢抗疏言事忤政府出僉浙江甯紹道

漢陽縣識

卷三

人物畧上

三

政主嚴明民建祠東湖以祀會省營鼓譟兵潰至各州縣剽掠莫敢問宗魯獨嚴爲諭擾及所部治如法安堵無驚嗣晉省垣值巡方激民變勢凶凶宗魯趨往開示諸亂民投戈呼曰李青天活我事乃解巡方心轉啣之嗾政府罪其怙亂下督府議張忠定佳允堅持不可始從末減改廣西蒼梧兵備使遂引歸宗魯廿四歲通籍卅四歲挂冠居林下三十年躬巡耕耘鄉人幾忘其膺方面也晚復嚴事漢川張甌山緒道義切劘學如不及遣子若愚往受業焉著兵垣奏議西園樵話若干卷

舊志

李宗魯墓在龍霓山周家港中丞尹應元誌石褒德旌直坊爲李鍊李宗魯立

李若愚字知白號愚公萬曆四十七年進士授溫州判官平反殊死以下數十囚分校浙闈得人稱盛冢宰趙南星總憲高攀龍薦之人赴考選值逆闈逮逐羣賢嫉者嗾若愚爲楊璉死友調常州府授稍遷刑部主事有江西積欠金花銀五十餘萬兩闈言於部將借以陷若愚莊烈帝踐祚闈敗乃解據舊志擢禮部員外郎因旱陳言請誅闈黨許顯純等甘霖立沛尋轉郎中掌兵部武選典試廣西出爲江西南瑞道參政修復澹臺祠講學

漢陽縣識

卷三 人物畧上

古

訓士丕變民風旋引歸召補太僕寺卿以老辭若愚爲甌山及門高足砥節礪行粹然醅儒居官日不負師承尤徵定志著證學編詩經演太極圖義大樗集東甌爰書若干卷舊志李若愚墓在宗文嶺子應橋由貢選中書舍人繩其祖武熟習典章顧淡於功名引退以著書自娛有德慧書闡幽錄若干卷李氏自鍊至宗魯若愚應橋四代並祀鄉賢郡邑欽其世德應橋子二昌祚昌祺

李昌祚字文孫明崇正十五年舉人入國朝登順治九年進士改庶吉士授翰林院檢討時楚省苦旱與同

鄉京官聯名入告得

蠲田租之半出巡河北移杭

嘉湖道以清惠聞康熙初

召補大理寺少卿執法

不阿鄖陽大旱民祈雨官惡其聚眾禁之眾匈匈致誤

毆官司遂以謀叛上聞昌祚勘讞文再三駁詰冤乃白

廣東某生父被人毆死屢訴始准理會 赦免毆死罪

某生憤極袖鐵椎椎殺之首於官吏以故殺議抵償昌

祚援孝子復讎義請 旨允從末減山東于七謀反

告密紛紛致牽逮 按察使宋琬下獄僅而獲免昌

祚抗疏爭論請坐誣告大辟罪私許之風以斂其持平

漢陽縣識

卷三

人物畧上

五

守正類如此晉正卿移病歸旋卒

上聞震悼

賜祭葬

御製祭文恭錄卷首 舊志李昌祚墓在干子山

昌祚早年掉鞅詞壇

詩文之名震海內著學古錄昔友集真山人前後集若

干卷

李氏世居九真山下 昌祚遂別號真山人

子必果果孫能哲皆以昌祚

蒙 恩子廕世其學而未仕必果十歲入庠蜚聲黌

序著穩帆文集能哲豪邁好游所至與賢士夫分廷抗

禮尤工詩有夢隱集心遠堂詩鈔西湖百詠數種昌祚

五世孫人望以善書名 李昌祺孝行篤摯明季流賊

肆擾負母崎嶇亂山中屢瀕於危卒獲免後充 國朝

順治年拔貢子必昇以貢選黔陽縣論文教一新必昇子長俊有以貢歷官長蘆鹽運同鉤除積弊商民交頌之著祝其存稿次佑有貢生好施罄其家綽有祖風蓋先世宦成歸里食俸所餘類不治家人生產立義塾置祠田推解以分潤族鄰其潛移默化者素矣

王家謨浙王叔英七世孫叔英令漢陽有德惠靖難死節幼子匿故友胡定菴家蒙胡姓避居縣之九真山麓歷四世方黃黨禁弛乃復本宗家謨幼孤節母李氏撫之成立年十一入邑庠明年食餼以貢授衡州府授不

漢陽縣識

卷三

人物畧上

六

赴當明季世與陝州牧家賓隱居講學有大山小山之目子世顯 國朝順治十五年進士授永嘉令執法不撓吏畏民懷縣有虎噬人世顯曰令無德所致也爲文牒告城隍神翼日虎死會捕獲奸商鬻私乞緩頰弗應遂媒孽於鹽院假課不及額解其任事白請養歸世顯文探理奧與熊鍾陵齊名後學經其指陳者皆秩然有法度著僊潛文集制藝存稿若干卷僊潛九真山古名世顯因以爲號

王家賓字獻廷父瑚輕財好義鄉里稱善人三請飲賓

固辭年八十終家賓幼承庭訓耿介自持由萬曆三十
七年舉人考授陝州牧莅任日新撫檄建魏闔生祠投
筆不署曰家賓楚人死何以見楊大洪於地下自劾歸
崇正季年流賊擾漢陽家賓老病弗及避賊脅以白刃
子士謙挺身翼蔽創血淋漓忍死不爲動賊義而釋去
初家賓居父喪廬墓三年家賓卒子士謙與兄士乾亦
如之僉稱爲孝子世家士乾字懷人明崇正十二年舉
人入國朝選孝感縣諭遷長沙府授有墨令被劾啣
宿怨波及士乾成大獄子戩徒步走京師上訴得白而

漢陽縣識

卷三

人物畧上

七

戩亦名諫都門矣士謙順治十四年舉人選任邱令未
任卒

王戩字孟穀年十二入邑庠有聲康熙四十七年選取
副榜舉山林隱逸不赴學該博下筆千言立就尤工詩
歌新城王尚書士正激賞其池陽山行長句以爲突過
歐陽廬山高作爲序其突星閣詩鈔十五卷

入四庫

梓行

戩旣淡懷功名遂遨遊南北足跡幾徧天下名公卿爭
延爲上客酒酣耳熱往來古今談如炙輠或拈僻典以
難之漫應曰載某書某卷曷歸而攷諸無差謬者戩歿

經年有青衣舊侍左右者偶過墓道見其控白驢手書
卷呼曰我在東華上清監盼汝久矣青衣歸述於人明
日果亡

吳正治字當世號賡菴先世安徽休甯人曾祖文仲依
外族賈漢口遂隸縣籍祖有成多隱德明萬厯中礦使
陳奉督楚稅橫暴徧城鄉有成識其幕汪容婉辭緩頰
故漢口受禍較紓卒後人思其德請祀鄉賢父岳以孝
聞有成新喪鄰不戒於火燎及庭宇岳攀柩哀號不移
趾天突反風火勢卻眾乃移柩出門回視屋灰燼矣人

漢陽縣識

卷三

人物畧上

六

以爲孝德回天正治舉 國朝順治五年鄉試明年成
進士選庶吉士授編修十一年充順天鄉試副考官累
遷至右庶子是歲冬 特簡翰林官有名望者十五

人外轉正治與焉除江西南昌道歲暮單騎按獄凡非
法頌繫者遣之十六年擢陝西按察使檢舊牘有死囚
延未行刑意爲巨奸賄緩提訊果然立寘之法入皆稱
快十七年超遷工部左侍郎調刑部康熙初元奏釋江
南逋賦補完諸生二百人囹圄一空復請趣奉行赦款
停丈量田地禁狀外指扳嚴婦女私嫁悉著爲令丁憂

歸起補原官十年轉兵部督捕侍郎充 經筵講官先

是睿親王當國申匿逃旂丁禁鼇拜繼之法益嚴株連

窮治民情騷然又畿輔分駐旂兵圈地建營房強奪腴

產失業者眾事關旂務漢臣莫敢置一辭正治獨連疏

密陳 天子俯俞出其疏示中外匿逃禁漸寬添建

營房亦罷論天下頌之十一年遷左都御史旋晉工部

尙書調禮部十五年典會試所得多知名彥十八年乞

休 詔嘉其端誠勤慎慰畱之二十年拜武英殿大

學士時重修 太祖高皇帝實錄 三朝聖

漢陽縣識 卷三 人物畧上 九

訓編輯 大清一統志會典政治典訓 勅諭三 平

定三逆方略正治悉為總裁官 實錄告成 賞太

子太傅二十八年致仕歸三十年薨於里第年七十有

四遺疏入 上震悼 命部臣議卹 予謚文

僖 賜祭葬碑其墓道 御製祭文碑文恭錄卷首舊志吳正治墓在小麥山

正治在政府持大體守成章遇事輒竭忠盡言不為利

害回惑當陳臬關陝日父品貽書戒之曰獄者生人之

大命誤出入畸輕重罪也比官秋曹戒加厲故執法尤

為平允嘗侍 聖祖閱朝審冊有囚科死罪

顧問此囚可活否僉對情實正治奏曰 皇上一念
好生臣等敢不詳慎奉行退而細勘果得可矜狀遂從
末減是其一端也子宗豐宗邵以官大學士蒙廢宗豐
由廢生舉康熙十六年鄉試三十三年成進士選庶吉
士改官大同知縣遷知汝州淹博嗜學不屑屑執掌簿
書引歸清貧勝寒峻宗邵官光祿寺丞倜儻有幹才蚤
卒宗勳貢生官國子監學正孫廷珣以能詩名

吳極字元無明萬曆四十四年進士文僖同族也初官
南武學教授歷南監助教戶部主事員外出知揚州府

漢陽縣識

卷三

人物畧上

三

未任改廣南旋引歸

據舊志

居林泉二十年刻志濂洛關

閩之書是能躬行心得者著吳氏易學五卷石經大學
疏旨一卷又聖學統宗朱學裁益諸書

熊伯龍字次侯原籍進賢晚號鍾陵不忘本也會祖琪
官明楚府典寶祖士章隨侍琪卒遂畱寓漢陽入膠庠
有聲父鳴盛天啓元年舉人計偕入都見朝政意忽忽
不樂遂不復上公車伯龍蚤慧九齡游泮水未冠文名
雄視東南間 國朝順治五年戊子由拔貢舉順天鄉
試明年 賜進士一甲第二名授編修洊升至國子

監祭酒卒於任年僅五十伯龍登第亞黃岡劉子壯一人而後論制藝宗者輒先熊後劉具見文章定價伯龍在館局二十年擬進冊封制誥諸鴻篇典麗裔皇儕流燕許兼工詩賦世罕知者蓋爲舉業文所掩也尤精鑒別人物充甲午浙江鄉試考官一榜得狀元史大成嚴我斯蔡啓傳三人探花張天植一人餘亦多知名士其試錄序云臣不敏獨窺人於筆墨若懸衡然洵言大非夸云後典順天學政得人如浙而志趣閎遠易簣日猶以澤未被及生民爲慙識者謂以人事 君厥功偉

漢陽縣識

卷三

人物畧上

三

矣著論穀堂詩文集

人四庫

制藝更家絃戶誦衣被士林

舊志熊伯龍墓在新收堡

弟仲龍叔龍順治年同選拔貢仲龍官汝

甯知府叔龍官華陽訓導子正笏廕生舉康熙十七年鄉試著擷藻亭詩稿孫祖旋二十年舉人官義烏知縣役假勾當公事暴於鄉旋偵知其狀嚴加懲治後奉籤出遂無敢肆虐者輿頌翕然祖旂諸生工詩

張氏先世由江西遷麻城再徙縣北柏泉鄉歷七世聚族千餘戶明經諱士彥以節俠顯前明季年里閭苦養馬徭役賴明經粥田伺應族忘其累及獻賊竄楚復糾

合壯丁修水陸二砦扼守賊不敢窺臨終諭諸子曰吾生平祇承祖訓刻刻以活人爲念他日得志勿忘也子六人長如榜具後傳三諱三異字魯如號禹木順治五年舉鄉試明年成進士初知陝西延長縣集流亡辟草萊苗方秀天旱羣氓蠢然乃免冠露禱於野甘霖立沛歲大熟民卽其地建祠以祀薦卓異遷河南南陽府丞上游耳其才委剿府屬之拐河嚮賊積年負隅巨匪也應曰俟履任相機稟辦退潛購鄉壯十數人道小徑夜搗渠魁庾從受巢禽而殲之榜示眾曰脅從罔治餘黨

漢陽縣識

卷三

人物畧上

三

悉驚潰始下車視事唐縣貧儒謝萬程父死粥婦李氏於王全家得金以葬全將納婦爲妾婦泣訴其故誓無渝節請傭工償粥金全義而許之全弟大有與兄積忤捏匿亡人愬於道檄鞫得實捐俸償王全金自以輿馬送婦歸謝氏而表其門曰節孝雙奇監司嘉之紀其事與合浦珠傳奇並著合浦珠者宰延長日縣有鄭賦奇幼聘李女宋宋鄭儒而貧李將以女他適控之案符召宋宋至爲鄭納幣於李卽日備縣官輿馬鼓吹導女歸鄭成合卺禮袁鐸菴譜爲傳奇也先是禽嚮賊功部敘

持未下適陝西清察逋賦牽議解任事白改補福建邵武府丞府東五里跨江水有長虹橋通八閩津道明季毀守令艱於巨費無過問者僉病涉焉爰力請籌捐修復糜萬餘金厯三年而告竣民卽橋首建生祠祀如延長擢守浙江紹興府有巨紳覬宋狀元王佐墓地詣相日遂勒石封祀紳益啣之乃引退越人塑像義愛祠識去思官豫閩屢奉鞫巨獄疑讞具詳雪史初二編蓋所活不啻千人云分校陝豫閩三省鄉闈稱得士監試浙闈杜干謁人謂爲暑月懷冰凜凜有霜氣早年遂於詩

漢陽縣識

卷三

人物畧上

三

文潛研經史比宦不廢所學著廿一史彈詞明紀詩家全體來青園文集詩集共若干卷守紹興纂府志若干卷年八十三卒於里門

舊志墓在白虎山

兩世悉奉祀鄉賢子

三人長伯琮次仲璜具後傳次諱叔珽字方客號鵠巖幼穎特十一齡以縣試首選入庠鄉薦不售由明經官徽州同知甫履任值太守休退檄兼府篆治理裕如繼署東流縣事請除積遺蘆課嘖嘖口碑佐郡七年兩督漕運積勞敘知府遂歸祇適著述不復出山有漢詩音註郝嘯軒文集制藝詩集律陶集唐集宋若干種

舊志墓在

降龍廟

子諱坦快由貢官光祿寺珍饈署正著賢聲署正

子諱任運蚤卒生子諱承晉賴節母胡氏躬訓迪餼食

郡庠母節子孝均蒙 旌表孝子生子三長諱先振

邑廩生篤志厲行尤拳拳於維持風化嘗館彭氏值其

兄弟爭析遂不辭而行彭請其故則曰忝居師席不能

導以友愛何顏復擁臯比乎彭感泣讓財卒號義門又

平日經術湛深寒暑手一卷披吟不輟著述頗多存禹

貢水道便覽周易互卦圖說周禮精義律呂攷若干卷

光緒七年奉准祀鄉賢祠季先授黌序有聲與兄競爽

漢陽縣識

卷三 人物畧上

五

鄉賢廩生生子諱渠純厘懷利濟樂善助施而創建景

賢義塾

在六賢祠東巷內前為塾屋次為藏書樓後有廊坵其塾規專課讀經畧仿崇正書院遺意先

朱子小學遞及四書五經按月考校課程

則祇遵考訓專力經營者

張如榜字憲卿順治三年舉人選廣東普甯知縣性仁

愛有慈父稱以失捕海盜吏議解組歸子顯睿由明經

任黔陽縣諭薦升至安肅知縣從子佳瑞由明經任荆

州府訓薦升至萬縣知縣昆季並著賢聲佳瑞長兄佐

瑞以貢歷官至武昌府授性篤孝親喪廬墓致哀盡誠

顯睿孫任湛諸生工詩月湖百詠尤膾炙人口

張伯琮字璧九號鶴湄誕生之夕父禹木鄉賢夢巨然僧拜謁覺而報冢男生巨然戒行僧駐錫近鄉羸子廟覃精內典與鄉賢旦夕相過從黎明探之先夜趺化矣琮有夙慧弱冠舉康熙五年鄉試考授中書舍人外補江西建昌同知改雲南臨安魯魁山賊蠢然時吳逆甫平軍餉不繼大吏冀暫予羈縻琮單騎入山諭以禍福遂受撫敘勞擢福建福州府改江西撫州舉卓異遷陝西榆林道四十九年再遷河南按察使五十二年晉布政使兩護巡撫篆豫邊鹽梟拒捕有司張其詞請兵省

漢陽縣識

卷三

人物畧上

三

僚惶悚琮密遣能吏馳禽渠魁事遂解其於地方大利害沈謀毅斷多類此五十八年致仕歸優游林下者又七年卒於里壽八十五琮於書無所不讀兼習禪乘擘窠書尤馳名嘗摩崖書佛都二字於峨嵋山石壁立十尺字與等齊觀者謂有神助子七坦讓天謨坦諤康熙五十二年同榜舉人坦讓官汾州知府天謨官奉新知縣又天訓官象州知州坦議官延榆綏兵備道坦諫官漢中同知悉以明經起家閭二品廕生

張仲璜號別麓由明經授梧州府丞梧兩粵咽喉猺獞

雜處巨盜嘯聚林菁間屢捕不能獲璜偵悉豪魁名氏揭於衢曰獲盜者賞盜互禽獻者贖死賞仍如數盜相疑乃調兵示以搜剿形遂自縛其魁五十人獻寘之法餘賞金解散歸農盜風以靖嗣大蓉山伏莽蠢動馳會營扼岑溪籐溪諸險要賊不敢近窺會餉匱營伍譁然矯發常平倉粟給之別籌彌補軍民兩安大府方專疏保薦聞父喪歸哀毀成疾遂不復出梧人感其德請祀名宦璜家居手不釋卷搜羅考訂輯廿一史彈詞注釋凡三易稿而成長子坦含以貢官羅田縣諭親老諸季

漢陽縣識

卷三

人物畧上

三

分宦於四方請養歸侍仰承父志拳拳於培植枌榆後與父仲璜並祀鄉賢次坦麟次坦熊康熙五十年同榜舉人悉具後傳次坦驄康熙五十九年副榜官和州知州坦含生子七任莘仕鄴雍正十三年同榜舉人任莘官衛輝府通判仕鄴官鄧州知州坦驄生子四任燕出爲坦麟後任藝乾隆九年舉人官四川牛華溪鹽場大使鼎乾隆六年舉人官荔波縣知縣又陸封道光十二年舉人坦含五世孫也工書小楷尤鑪錘入範僉以大魁期之禮闈九薦不售晚就國子監學正職補誠心堂

遷修道堂助教卒於官時捻匪游擾豫齊道塗榛莽其子壽祺聞訃徒跣冒烽煙奉喪歸葬積勞成疾越年卒壽祺同治年歲貢能世家學

張坦麟字畫臣初以主事觀政戶部綜覈精勤張清恪伯行佐司農器其才力薦於朝三遷至兩淮鹽運使時雍正三年也旋擢江蘇布政使署巡撫七年移江西巡撫八年丁母憂詔督高堰工程在工守制事竣請假歸葬起補內閣學士會浙江海塘事棘命

往襄辦與總理大臣意見歧不能行所志乾隆元年回

漢陽縣識

卷三

人物畧上

七

京言海塘者紛紛二年出爲安徽按察使四年引疾歸

年卒於里

官江蘇布政使

江西巡撫日蒙頒賜御書福字恭摹勒石坦麟早

荷

世宗特達之知公忠體

國辦事亦批卻導

窾游刃有餘撫江西甯都抗糧民譁一示靖之旋奉內諱以墨纓從事宣防益見嚮用維殷矣晚爲權要

所牽致遭蹉躓天下惜未展其才也子任燕雍正十三年與從弟任莘仕鄴同榜舉人官汾州知府

張坦熊字男祥號郎湖以知縣揀發浙江初任桐廬有道死者體受叢傷詣驗時鄉民環集一衣藍短後者伺

眾背後不視尸而頻目縣官遣役查其人爲游手郎鳳
奇拘而訊之則與死者爭姦一婦棍傷而棄尸於道也
又空船放野僻中流載一少年女尸頰批傷頂門石傷
熊微視所著新鞋底微泥而針孔黑色知非久住船者
暫令收殮遣役易舟子衣密移船廩集處候之有詢船
者拘案越三日拘一人至訊曰此汝船乎供曰是又訊
以船泊何處供曰棹某臨江樓下次辰不見今始覓獲
耳令導役至棹船樓所查覆誤叩鄰家有樓者門啓扉
見役呼曰許媽殺婢嫁禍空船又波及我耶蓋許媽怒

批婢頰鄰往勸怒益甚檢石拋擊誤中頂門而死移尸
空船起棹放流別無知者鄰謂許媽案破疑其漏洩以
肆牽累而不知役誤叩其門也許媽至一訊而服調仁
和將軍壻夤夜入民家縛詣縣恃勢咆哮熊責而禁之
通詳請辦晨撫軍傳見罪其抗將軍應曰將軍著賢聲
坦熊恐乃壻害將軍名也詳已上俟批遵行撫軍無如
何發理事官審釋舊章滿兵三年一送骨殖回京地方
官伺應舟車兵遂假以恣取求適值其時將軍豫戒曰
此非前官比汝輩慎之我不能袒汝輩也卒安謐無譁

他日將軍晤熊於公所曰君真利害對曰坦熊不知利害則有之利害則不敢也闔坐莞然仁和攤丁定案錢塘令懾富紳勢議未成鄉民鳴金聚眾入北新關鼓譟罷市時撫軍李衛素風厲熊恐發兵滋巨案迺單騎先往彈壓鄉民見官至將肆喧囂前導曰仁和縣張僉呼曰好官聽而讓道熊卽下騎諭眾曰仁和攤丁於糧錢塘同城豈有兩歧不過遲數天耳我決不欺汝眾汝眾知鳴金聚眾罪干斬絞撫軍將發兵捕汝乎我特來護送汝眾出關勿遲眾歡呼散歸初撫軍聞警趣傳仁和

漢陽縣識

卷三

人物畧上

完

張令或曰張令避出城矣撫軍怒甚發營弁拘張令謁者報張令請見撫軍盛色臨之熊從容上白曰鄉民非敢抗錢塘令爲攤丁乞恩耳坦熊已轉令回鄉候示矣撫軍改容呼好官不絕聲旋檄會辦錢塘攤丁五日而告竣上下帖然遷玉環同知擢守台州府署靜海道有鹽快與靜海某村民積嫌誣以販私解運判徑詳鹽院治罪矣熊察其冤力陳於制府咨請會訊鹽院頗不快也比訊熊詰鹽快以村民腰纏袋鹽對出布袋視之長不及腰圍熊詰鹽快曰汝捕村民時纏腰布袋外別有

物否應曰無乃實鹽其袋令村民纏之則不及腰圍二寸熊厲詞詰鹽快曰袋不及腰圍汝既謂無別物何由纏以販私汝尙能誣平民乎鹽快服罪節小倉山房文集改授天津兵備道乾隆三年晉雲南按察使屬吏聞風股慄滇民自以不冤十六年免歸子藝雍正十年舉人官泉少同知甫乾隆十二年舉人官彭縣知縣克紹循聲藝美工詩有鳳棲山人詩草

江殷道字九同父浩早孤事母以孝聞明季饑饉頻仍竭廬振貸家遂中落殷道舉國朝順治十四年京闈

漢陽縣識

卷三

人物畧上

三

鄉試明年成進士司理高州改佐蘇州擢九江守就遷饒南九道官溥最久教養諸大政實力奉行上游薦爲

江省循良第一授按察使未任卒父子並祀鄉賢

舊志江殷

道墓在老實陳大學士熊賜履履誌石

長子繁具後傳次藻字魚依康熙年

歲貢初授龍巖知縣縣有寄莊糧米本鄰縣漳平正額明季飛灑於龍巖者藻力請始獲更正賠累一清遷知陸涼州州俗蚤昏聘比及年爭索采幣有因而寒盟者嚴爲條教曉諭之頽俗乃除擢刑部員外郎轉工部郎中督南甯厥務充坐糧倉差皆柄利權也蓋久而志操

彌篤云密廠隸京城西南隅地勢卑窪蘆葦掩映北望
西山諸名勝在几席間藻督工日就附廠之慈悲寺營
阜構亭取香山一醉一陶然詩句意顏曰陶然與東高
名流文酒游讌渾忘其爲北土也至今都人僉呼曰江
亭藻後引年解組卒於里門壽七十二

舊志墓在羅莊
中丞張謙誌石

次芑字豐貽康熙三十二年進士任汀州同知值水災
籌捐賑濟民慶再生遷禮部員外轉刑部郎中擢河南
道監察御史雍正二年充雲南鄉試正考官 上知

其清貧 賜金六百兩辦行裝就授糧儲道晉按察

漢陽縣識

卷三

人物畧上

三

使以糧儲任內詳免白土軍丁糧米呈吏議乾隆初元
起福建延建邵道卒於任貧無以殮同僚賻助乃歸葬
次莪字青芷康熙四十七年副榜選信陽州牧州民不
戒於火莪衣冠拜禱風反火滅會有民家爲妖祟者訴
於官爲牒告城隍神妖旋絕憂歸改補象州調永康創
建書院延名師掌訓迪遂有領鄉薦者永康破荒自莪
啓之擢奉天治中未任卒

江蘩字采白別號西崖康熙中由拔貢選靈寶知縣縣
當入秦孔道徭役紛繁積逋賦額至二萬餘金蘩力陳

民困獲予豁除報最擢

道監察御史時禮闈榜出

邊省輒不與於選繁請分省編號視卷數定中額俾遐

邇普荷

恩榮天下頌之條陳湖南勘丈事宜洞中

肯綮奉

旨頒行出巡長蘆鹽政通積引卹窮竈卓

卓有聲提調四譯館任太常寺卿著四譯館考太常紀

要亦見恪共職守云累官至副都御史告歸繁居傍梅

巖官太常時

聖祖御書唐太宗勸農詔賜之恭

摹勒石樓梅巖上吸江亭遺址敬謹寶藏額曰

御

書樓樓下有覽輝堂九蓮池環拱羅拜復闢園於大別

漢陽縣識

卷三

人物畧上

三

山麓砌石嵌空聳秀巧奪天工今同善堂靈芝峯巋然

獨存具徵勝致

有記

繁卒後靈寶民請祀名宦

舊志墓在易家灣太

史陳大章誌石

子華孫貢生能文章著言志草居稽隨筆若干

卷孫瑤以貢選均州學博遷奉新縣丞瑤子中孚有孝

行初副憲優游林下出其廉俸所餘分潤戚族交游無

吝色子孫亦薰陶德教罔替家風華孫昆仲行曰嶠孫

康熙五十三年舉人官鎮遠知府嶧孫雍正二年舉人

峻孫四年舉人官兩淮鹽場大使又同族江油然明季

諸生喜談兵流賊擾楚結壯丁為防禦會左良玉潰卒

掠鄉村油然率眾扼之後湘河不得逞改而他逸地方以安子如繪孫澣悉早孤勤學童齡入庠篤於內行友愛諸弟無閒言澣尤工詩古文詞後貢太學

項一經字克贊號韋齋父璧有隱德一經中順治十六年進士初知建德縣值耿藩畔逆嚴緝窩奸謹守四封民以安堵行取擢工部虞衡主事遷吏部考功員外轉驗封郎中康熙十七年典浙江鄉試鑒衡明允出巡南汝光道治界五省錯壤劫盜橫行一經飭嚴編保甲偵獲其渠魁寘諸法餘黨悉靖信陽州民情獷悍遇里閭漢陽縣識

卷三

人物畧上

三

慶弔事以力受役者排黨橫索刁難萬端一經示革夫頭聽人直雇按道塗遠近定錢數勒爲永章僉感頌之市上權衡至諱嫌名一斤爲十六兩云游升貴州按察使子翽由明經補光祿寺丞遷刑部廣東司郎中一經方陳臬黔中聞而歎曰父子俱任刑官稍不慎其如子孫何卽日引退翽旋亦請養歸一經卒翽哀毀成疾遂不起遵遺命割腴田五百畝贍族僉推孝德

舊志項一經墓在新

收堡項翽墓在火燒灣

翽子二長鍾嚴以貢官嘉興府倅潔已惠

民次鍾建諸生例授主事非其志也遂不赴補鍾嚴子

餘全兄弟同貢成均餘揀發河務同知熟習工防全敘訓導以書畫詩詞名均不幸早世未竟其用

孫臯字鳴九父聿修字思文由安徽休甯遷縣之漢口鎮著義俠稱臯以康熙二十一年進士授中書舍人性摯孝父母年高諸弟章臯宦於外遂家居侍養訓子孫悉成名子蘭芬以貢官山東布政使蘭苾康熙四十四年舉人官廣西按察使蘭苾子長紹基雍正十年舉人官山東道監察御史次崇實乾隆十二年舉人次元愷二十七年舉人崇實子漢乾隆十年進士改庶吉士散

漢陽縣識

卷三 人物畧上

三

館授主事分吏部游升郎中漢通敏落筆千言案無畱牘歲舉 秋獮木蘭冢宰輒奏派隨扈保送御史未

任卒著春生閣詩草漢孫煦工詩著繭園詩鈔石樓詩

話兩種石樓煦別號

官階據舊志選舉表世系據孫氏家譜

孫章臯之仲弟康熙二十八年舉人觀政刑部著平允

稱出守惠州府革陋規免夫役民感其德建生祠祀之

制府以爲守兼優薦擢廣西右江道卒

舊志墓在大麥山陰弟臯

貢生官汾州知府子光祀官穎州知府從子蘭茂官開

封知府亦悉以明經起家

熊天楷字芥圃先世於明嘉靖年由南豐遷縣之漢口
再遷黃陵磯 國朝康熙年再呂以貢官江陵縣訓工
詩有耕雲小草遞傳至如岡蜚聲鬢序天楷從父行也
天楷登乾隆十九年進士選清豐知縣時江南訛言教
匪布叫魂割辨諸邪術部飭通緝直隸株繫百餘人檄
天楷鞫之迄無左驗乃直陳其枉上游弗敢決逮送秋
曹卒如天楷讞予開釋清豐濱黃流河決六堡天楷出
耗羨補例價豫儲秫稽比工興各州縣皆竭蹶清豐獨
運解如期卒遭物忌大計歸縣民泣送相續祀於北郭

漢陽縣識

卷三

人物畧上

三五

之益詠堂子輝從子煥早年侍任清豐旣聞河務緒論
故洞悉宣防事宜後皆官河工同知爲厯任河帥所倚
重煥尤著有下河議說河工議說二書僉奉圭臬孫壘
工詩有蘭陔堂詩草從孫垓諸生著大學經旨發明四
書題綱聽彝軒詩鈔數種壁從九職鄉里知爲長者
葉繼雯字雲素父廷芳溧水庠生篤內行以析產在漢
口移隸縣籍弟三人畱故土後落其家貲仍來漢口廷
芳推財合居友愛無間言繼雯由拔貢除教諭厯通山
蘄水江夏諸縣乾隆五十三年舉鄉試越二年成進士

授中書舍人撰擬 毓慶宮聯句詩序稱 旨拜文

綺 賜嘉慶三年五年疊充順天鄉試分校官六年

副劉太常鳳誥典試山東請 訓 上諭劉鳳誥

曰葉繼雯官雖中書是好翰林衡文不爽也聞者榮之

是年 奏派會典館纂修補軍機章京九年遷宗人府

主事十年 奏派會典館提調 玉牒館纂修十三年

丁母憂奉柩歸葬廬墓終制如父喪時省僚致弔繼雯

素服詣轅門肅謝而退汪制軍志伊夙稔賢聲迫就江

千古寺席地坐語移時觀者如堵牆爭思一識葉孝子

漢陽縣識 卷三 人物畧上 三

方居憂園樹不華比服闋枯木重榮芬香逾常格僉稱

孝應十六年入都改戶部主事仍直軍機再遷員外郎

中二十四年補山東道監察御史二十五年擢刑科給

事中三上封事 溫旨褒嘉緣事左遷員外郎道光

元年補禮部鑄印局引退四年卒於京邸 舊志墓在長山 繼雯

燕處無情容座環圖史終日凝然治經尤邃三禮論說

必宗紫陽著朱子外紀讀禮雜記裕林館集四子義試

帖詩韋蘇州元遺山集校注等書大吏採孝行聞於

朝蒙 旌祀子二人長志庠精星厯推步測量窮及

杪忽試欽天監算學第一蚤卒無後次志誥號東卿晚
號遂翁生有殊姿於書無所不讀游翁學士方綱劉相
國墉門下肆力金石文字又從秦漢印藪推求官制異
同足補史漢書所未逮搜獲周宣王鼎皮置金山與焦
山瘞鶴銘石刻並傳嘉慶九年進冊翰林院蒙 睿

賞十六年 巡幸五台山以軍機子弟不與試進畫

冊頌冊拜文綺 賜奉 旨入文穎館行走二十

四年編千字文祝 萬壽復蒙 睿賞志誥幼趨

庭訓熟習典章初官國子監典簿充國子監則例館提

漢陽縣識 卷三 人物畧上 三

調洊升兵部武選司郎中復充兵部則例館提調六十

致仕日以圖書自娛同治二年卒於里門壽八十有五

舊志墓在
櫛山南 著神農本草經贊金山鼎攷蘊奇錄行壽年

集上第錄稽古錄識字錄詠古錄平安館詩文集若干

卷志誥善辨古器真贗判然京師琉璃廠爲書畫鼎彝

市場得志誥一寓目品題價讎十倍亦淹博強記之一

證云子名琛名澧

葉名琛字崑臣道光十五年進士由庶常授編修直清

祕堂撰禱雨文有驗 宣宗謂其忠誠格天必能

盡心民事出爲陝西興安知府旋遷山西雁門平道調江西鹽法道升按察使署布政使歷雲南江甯湖南甘肅布政使二十三年丁母憂二十六年服闋入都權順天府尹事除廣東布政使初粵疆款議條列省城通商洋人爲暴於關廂義民憤起焚殺遂中止至是復申前議朝廷以名琛歷寄屏藩勇於任事擢巡撫與總督徐廣縉和衷共濟外結義民內嚴兵備堅卻之事聞

錫男爵世襲

賞戴花翎粵民建生祠以祀咸豐

二年

簡授兩廣總督五年

命以總督協辦大

漢陽縣識

卷三

人物畧上

三

學士六年拜體仁閣大學士仍畱粵督時髮逆陷踞長江上下湘軍甫立絀於餉糈軍火名琛不分畛域協濟多方復捐製紅單兵艇由海道駛入吳淞保衛江淮退賊北渡兩粵邊竟土匪乘間起充

欽差大臣部諸

軍次第剿平晉太子少保階名琛感激

知遇遇事輒

竭忠極言雖嫉謗叢生弗顧也八年外洋有違言同官以髮逆未靖冀予羈縻名琛暢陳利害僉噤不發聲故事曾入謁大帥亦登艘往畚外洋旣偵獲省僚情狀知名琛孤立無援乘往畚登艘展輪馳出印度洋恫喝要

挾名琛遂絕粒不語彌留侍僕私相泣訴謂爲同官所

誤忽張目大語曰老臣誤國罪當死同官豈誤老臣哉

目遂瞑越二年和議成外洋禮歸其喪舊志墓在櫛山西弟名

澧字潤臣舉道光十七年順天鄉試考補中書舍人歷

充各館纂修咸豐七年升侍讀以廣東捐製兵艇移獎

賞戴花翎明年相國身殉海疆粵官吏飛章入告

上聞震怒嫉謗者從而媒孽之噴有煩言名澧改

道員赴浙卒於吳門塗次十年庚申秋洋艘徑達天津

改立和約由五口通商增爲九口又增爲十三口愈推

漢陽縣識

卷三

人物畧上

三

愈廣矣中外一家萬邦環拱葉氏昆仲歿不及躬逢其

盛云名澧博學勤問家積圖經甲輦下循環陳誦罔間

於寒暑歲朝因邵武張亨父交山陽潘四農佩聞緒論

遂執贄爲弟子綽有兩漢人遺風著四聲疊韻譜 卷

敦夙好齋文集一卷詩初集續集共二十五卷筆記三

卷讀易叢記三卷名琛無子以名澧子恩頤兼桃恩頤

由廕生授部郎勸先人賁志而終鬱鬱成疾卒年甫三

十有 生子三人

易元善字石坪其先廷望順治八年舉人任桂陽州學

正會吳逆不靖偕州牧力籌防守洞合機宜一日訛傳
賊警城晝局四鄉難民環求入避呼號聲徧郊野廷望
登陴臨視扶老攜幼皆鵠面鳩形知非賊間謀襲城也
馳白於州牧開門納之後去任民勒碑紀其遺惠元善
登嘉慶七年進士改翰林院庶吉士授編修累升至侍
讀學士充 日講起居注官 科教習庶吉士十二

年二十四年疊典貴州陝西鄉試道光二年分校禮闈
所得多知名彥元善性方正不苟言笑而其誘掖後生
春風藹然使人坐而忘倦後祀鄉賢幼年嘗從張茂才

漢陽縣識

卷三

人物畧上

四

萬璧游萬璧有杜預癖詳晰春秋世系作春秋世系通
攷兼工古文詩詞著於斯堂集故元善經術湛深尤邃
於治春秋沉澁一氣弟官善字雪峯優貢生道光初元
舉 制科 廷試名列第二以知縣發河南權新野篆
廉知土豪高衢恃勢橫鄉里姻婭皆赫烜顯宦守土吏
莫敢櫻其鋒拘而寘之法判還所奪田地近千頃婦女
百十人上游亦無如何也嗣假事望吏議新野民呼號
攀送建生祠尸祝之改官長蘆鹽場大使節相訥爾經
額稔其名檄署吳橋縣裁減徭役勒石遵行輿頌翕然

咸豐三年髮逆擾畿甸州縣多潰陷吳橋賴民自爲守
按堵如常事平引年退就養廣西卒於象州官署元善
子學超道光八年舉人官湖南桂陽直隸州知州官善
子蔭芝以貢敘知州選廣西象州洊升至四川綏定府
知府

劉傳曾字省吾號唯庭居縣北巨龍崗水鄉世有隱德
傳曾幼承遺訓爲秀才日卽以施濟厯懷道光十一年
江漢水大溢田廬漂沒鄉民流徙於四方明年春作歸
耕乏籽種傳曾館齏商某所述困苦狀於居停某夙重
漢陽縣識

卷三

人物畧上

望

師儒爲集錢巨萬付之散助鄉民始復還故業是秋傳
曾舉鄉試禮闈報罷會黃陂金侍讀國均視學陝甘聘
延襄校並倚以選刊試牘蓋厓路太史德方主講關中
書院釐清文律於古名大家制藝多所吹求比試牘出
一無閒言皆傳曾手加裁訂者咸豐二年大挑一等發
南河年近六十矣上游夙稔名檄委紛投咄嗟立辦同
治元年權興化縣大軍方駐淮揚有都司某闖入縣竟
暴掠鄉閭幾釀成事變傳曾陽款以禮貌而密陳凶惡
狀於大帥委查得實臬示之自是營弁無敢擾民矣鄉

團獲民船十餘戶坐爲逆黨偵探將加駢誅傳曾力爭歸案僉藉藉令尹左袒越日鄰縣東臺以誣殺客民激京控興巨獄乃大感服而十餘船戶獲更生積勞洊升知府引年回鄉仍日手一編吟哦不輟著二知堂詩文集制藝若干卷子世大咸豐九年舉人官黃安縣諭從子世仲與世大同科中式早工帖括顧恢廓有大志不屑屑竟爲之研窮經史百家言尤精天文厯算曾文正國藩招致戎帷參贊機宜積勞卒於營次 恩子蔭

郵劉氏制舉業文悉模仿先正不落時墨恆蹊傳曾世

漢陽縣識

卷三 人物畧上

三

仲領鄉薦均擬元卒爲俗眼白抑而列十一名人謂竹林傳衣鉢云

劉傳瑩字椒雲父正柏敦孝友行傳瑩早慧髫齡已食餼膠庠甫冠中道光十九年鄉試旋考授國子監學正補誠心堂初肆力於研經旁及方輿書數之學精密軼倫宋朱子所輯孟子要略書佚久矣瑩從元金履祥孟子集註考證內搜羅排比復還其舊又輯各書傳語足互證石經者爲漢魏石經攷攷孜孜不倦嗣因心氣虛耗病弗良於飲食自悔所業龐雜遂返而求諸躬行不以

考訂家自封曾文正與講學深相契合病亟假歸越數
月而卒年甫三十有一所著又有詩文集覺書日記若
千卷兄傳燧亦精求正學不媿元方燧子世墀童年以
縣首游泮文名藉甚會髮逆擾楚遂投筆從戎佐曾文
正帷幄轉戰東南游保直隸州知州畱皖補用蕪湖新
復檄權縣事世墀招集流亡振乏墾荒民爭歸附母憂
去起復回省蕪湖墾務著有成勞上游稔其勤能復以
廣德州墾荒任之暑雨載塗積勞卒 恩予照軍營

病故例給卹

漢陽縣識

卷三

人物畧上

望

漢陽縣識卷三

人物畧中



列傳宋張錫字貺之其先京兆人遠祖山甫從唐僖宗入蜀蜀遭王孟割據絕於中國張氏畱蜀五世矣宋平蜀始得去爲漢陽人錫舉進士中大中祥符元年甲科初知南昌縣徙新州興學校以教士新人舉進士自錫始會選能吏治畿甸乃遷錫知東明縣下車令曰吾所治者三強恃力富恃貲刑恃贖也於是豪橫氣沮循績上聞薦爲監察御史故相丁謂貶崖州議內徙錫疏言

漢陽縣識

卷三

人物畧中初刻乞校

一

姦邪誤國本與天下棄之今復召還違天下意由是謂僅徙道州玉清昭應宮災劾死者百餘人錫疏天變可畏不宜罪多人以重天怒獄遂解出爲京東轉運使淄青齊濮濟鄆六州民冒墾河墾地數起爭訟錫籍其產歲收租絹二十餘萬訟者以息累進翰林侍讀學士判太常寺國子監錫淹貫羣書晚侍禁中上歎曰自吾得錫日益有所聞以飛白書博學二字賜之錫祖文翼官復州錄事參軍卒葬漢陽墓今不可攷遂家焉錫以皇祐六年卒於官葬汝州之襄城有子五人

張沂字樂道舊籍新鄭復徙於漢陽父倣太常少卿贈
兵部尙書沂以蔭試將作監主簿厯蘄春峨眉尉九隴
主簿後官儀真錄事參軍元豐元年卒於官明年歸葬
沌口先塋之西百步

李先誌石
具文錄

宋時重進士輕門閥門

閥官益自安頽廢沂獨奮然興所至以詰盜折獄稱故
當道交相推轂性尤警敏百家眾藝之學靡所不通羣
稱其弈碁擅長沂特以陶情適興非刻意爲之也有子
三人

明陳福成化八年進士官工部主事胡金二十年進士

漢陽縣識

卷三

人物畧中

二

官刑科給事中彭楚豪正德年貢生官知州均以耆德
碩望先後祀鄉賢又有師弟相承瓣香共祝者曰伍偉
曾庭芝伍偉嘉靖元年舉人選建陽令聘校江西鄉闈
得人稱盛其最著者劉侍郎慤張方伯希舉也洊升同
知引歸偉端品厲學尤善裁成後進同縣朱御史寵曾
給諫庭芝皆出其門著四書心會詩經詳說魯齋小稿
等書曾庭芝字子先嘉靖二十二年進士初知昌邑洊
升工科給事中宣府陝西兩巡撫權相私人也侵牟賑
款餓殍載塗庭芝奮疏劾之遂被嗾出爲浙江僉事移

病歸旋起知漢州復遷浙憲引年致仕卒壽八十有五

追贈大中大夫

官階據舊志錄
又墓在沌陽崗

傅桂字汝芳正德九年進士知陳畱縣請復藩府侵漁民產民爭依之擢雲南道監察御史武宗南狩三上疏諫不報旋命覈儲關陝轉巡雲南積勞卒後祀鄉賢子兆嘉靖十三年舉人官梁山令清介有父風

王秩原名斛字伯庸姪時有夢鶴之祥登嘉靖二十二年甲辰進士初知天長縣移婺源朱文公祠災族有盜文公遺像覬襲博士官者秩據譜系燭其僞宗子襲乃

漢陽縣識

卷三

人物畧中

三

定時盼祥霽雪立降僉以爲令君瑞歌頌溢衢行取去任民立祠尸祝之擢戶部主事調吏部歷員外郎中分校己未科禮闈出爲河東參議歸常道立字五嶷萬曆十四年進士初知天長縣調祁門改補固始皆有惠政擢吏部主事歷員外郎中左遷南直通判晉溫處道嚴海防倭寇不敢窺轉甯海副使官階據舊志卒於官秩與道立起家縣令擢縮銓曹杜賁緣絕竿牘致忤權貴擯諸外任以終其志趣固後先一揆也後人並請祀鄉賢王維祐字培梧父一鳳諸生有孝行維祐早承庭訓與

叔一麟一鵬同學以道義相切劘舉萬曆七年鄉試司理鳳翔悉心平反會因公忤直指將掛之彈章士民爭相走訴乃免擢石屏州牧遷安順軍民府守悉著循聲後祀鄉賢一麟字景仁嘉靖二十八年舉人初任台州府丞清戎伍句逃亡慎固海防盜聞風遠遁方正學後裔式微錄之以示風厲尤洽士心遷守鎮遠民彝帖然

舊志王一麟墓在曹莊

一鵬有子軫字章甫工詩清麗有晚唐風

嘗構水明樓於鳳棲山脊闢葵園於郭西雅集名流文酒游讌袁中郎昆仲客武漢頻主其家後以貢官華州

漢陽縣識

卷三

人物畧中

四

牧升成都府丞吏治亦卓卓可傳

蔡結字國凝嘉靖三十二年進士初知東鄉調臨海廉明果斷二縣皆爲建生祠擢江南道監察御史出按廣東計禽海盜南服奠安洊升至陝西行太僕寺卿卒後祀鄉賢從弟幾字國成嘉靖三十一年舉人知望江縣量田均賦民服其平移瓊州府倅歸幾篤志近思出處一轍嘗輯先儒語錄以自勉題卷端曰守身通論幾子長三近萬曆元年舉人官通判次三復二十八年舉人官衢州知府孫溶如以貢選湘陰縣諭工詩

謝燭字斗南居親喪廬墓致哀人稱孝子萬曆年以貢任江油知縣會奢酋作亂燭豫集壯丁葺城陴嚴守禦故鄰境皆陷而江油獨安堵無驚大吏將專疏保薦引疾謝歸後祀鄉賢

秦聚奎字仲默萬曆二十九年進士初知績溪縣調吳江縣多豪貴一切以法繩之謗言蠶起改盤屋久之遷刑部主事時銓部言路樹黨相攻三十九年京察吏部尙書孫丕揚東林黨也將黜宣崑諸黨人聚奎抗疏爭丕揚撫其令吳江嚴酷罪免官察典下褫宣崑金明時

漢陽縣識

卷三

人物畧中

五

湯賓尹等職而斥王紹徽喬應甲於外泰昌初詔求直言逐臣起聚奎爲光祿寺丞丁憂未赴天啓三年服闋入朝旋移病五年復起爲順天府丞明年升府尹魏闥養子良弼封侯開府議毀陰陽學廨以廣其居聚奎堅持不允又劾東厰苛斂門稅遂奪職歸初聚奎之爭察典也與東林諸君子意見歧頗滋譏刺及王紹徽喬應甲輩以媚閹致通顯而聚奎乃與閹黨忤識者謂其前不苟同於君子後不浼污於小人是真不立黨者崇正時屢徵不起卒年七十有五著勿忘集還齋稿聞見錄

日記等書

舊志墓在龍湖

孫世恪亦以忤闈歸者世恪字貞伯萬曆三十七年舉人初任長沙府投遷國子監學正楊漣劾魏闈疏上繼之者魏大中蔡毅中等七十餘人世恪與焉崇正初起工部主事轉南京戶部郎中又以直言忤上官引歸世恪博學多聞尤精天官星占書官太學日僉傳熹宗臨幸有期矣恪獨曰帝座未移期不可必已而寂然其億中多類是

吳嘉謨字績可祖紘篤內行徵飲賓不赴嘉謨登萬曆三十五年進士初知新建縣勞心撫字顏其堂曰耐煩

漢陽縣識

卷三

人物畧中

六

以自勵擢戶部郎署出爲揚州守旋卒後祀鄉賢兄嘉言由明經判台州遷紹興府丞亦以勤慎稱

吳元仕字天義嘉靖年以貢令武宣篤實爲政惠利在民祀名宦吳元卿同時以貢令鎮遠吳嵩二十二年舉人令蕪湖吳崇萬曆七年舉人牧全州擢平樂同知悉著循績

龍相字立公萬曆四十年舉人任成都府授遷知龍川縣土匪鄒凹鼻等負隅創亂相會兵討平之縣產鉤吻毒草愚民憤鬪不勝輒采食以圖償相購眾入山掘根

殆盡毒害以除弟柱由明經任成都府訓遷知陸川縣
安撫猺獞有能聲

劉定勳字謙甫明崇正十三年進士任常熟令縣爲漕
艘水次歲終兌支旂丁恃眾橫擾莫敢誰何定勳一以
法繩之衛弁斂跡調吳江旋卒

魏晉封字賞延明崇正九年舉人工舉業兼善詩歌著
竹中記一卷專載獻賊荼毒武漢左鎮縱兵殃民遺事
附作戰城南哀江南諸篇以寫其憤足補史乘之遺弟
晉疆字甸曾 國朝康熙八年舉人選黔陽縣諭值吳

漢陽縣識

卷三

人物畧中

七

逆亂作委督軍糈轉輸無誤積勞卒晉疆孫楚翹諸生
工詩文兼習歧黃

易道沛字子然其遠祖東舉明成化十三年鄉試官新
甯縣諭訓士有方道沛以崇正十五年舉人入 國朝
登順治六年進士初知高陽縣旋調獲鹿請豁浮糧闔
縣戴德擢刑部郎署出權潁墅關稅有惠政典試黔中
亦著得人聲子二長枚官保安州牧地近畿輔豪戶輒
託名 御廩莊戶藉避差徭枚區別審編罔所施其弊
混次救官永甯縣令僻在遐荒罕知文教救爲聘師儒

督課四野始有絃誦聲報最陟行人贅壻鄒履益有孫
名南

鄒名南字康仲先世蒲圻人曾祖應錫牧光州歸宦橐
蕭然祖履益遂依外舅易部郎家徙居漢陽父魯有入
縣庠名南中乾隆二年進士選崑山令甫下車視象將
成倉穀多缺額亟籌買補賑以立施縣分地立新陽志
未晰修公事每互相推諉名南開局編纂上之大府重
加獎許檄下各分治州縣爲法程丁憂起復改官福建
擢廈門同知名南莅事明決而治獄特爲詳慎每讞死

漢陽縣識

卷三

人物畧中

八

罪輒爲之數日不怡子九人皆顯仕詒詩最著詒詩早
諳韜畧膽識過人乾隆三十九年順天鄉試挑取謄錄
敘布經歷發福建用五十一年臺灣林爽文之變六十
年陳周全之變嘉慶七年蔡牽之變皆隨大府戎帷前
後渡臺者四次民情地勢瞭如指掌故所策切中機宜
伍制軍拉納尤倚重之虧空案起使臣夙與伍制軍忤
凡所信任者一網羅盡詒詩獨以循聲濯著免掛彈章
後官至福州知府卒於任貽詩才思尤敏贍軍中草檄
倚馬千言詩歌亦沈鬱蒼涼採入正雅集子堯廷道光

元年進士官黃沁同知

李猶龍明崇正十五年武舉人入國朝登順治十二

年乙未進士歷官至固原營都司調鎮北直拱極城據舊

志工詩善擘窠書而肅整戎行不以文詞弛武備越九

十三年爲乾隆十三年戊辰詩人蕭鍾偉射藝中程登

武進士歷官至徐州營副將三觀南巡盛典折衝

宿將附光供奉詞臣獻頌陳詩洵千載一時之

恩遇也咸同年間雲騎尉向文暹亦善擘窠書學顏魯

公得其適勁今補乾亭石刻是其遺筆

漢陽縣識卷三 人物畧中 九

國朝楊燁順治十六年進士授龍門知縣山賊李三崗竊

發燁帥丁壯深入紅溪捕之賊聞風遠逸民思遺惠請

祀名宦鄧元正以貢知射洪縣多惠政民亦請祀名宦

張宏傑字特人康熙二年舉人考授中書外用同知發

貴州補大定府丞兼攝府事府屬秋糧一萬有奇草萊

於兵燹無徵者十七力請蠲豁民感頌之烏蒙逆苗逃

聽風聲終宏傑任不出擾遷守貴陽憂歸起補浙江金

華郡亦稱治

龔于蕃字南式康熙五年舉人初官武岡學博擢知安

邑忤郡守子純孚適舉鄉試赴署省親幕客勸其謁謝以解之聞於于蕃不可曰我清白吏不畏偏豈以子爲私人具耶旋呈吏議對簿院司純孚走京師訴之御史臺冤乃白純孚二十九年舉人官均州學正

楊繡字東麓少忼爽不事生產游京師見知於徐將軍治都畱營差遣康熙二十三年夏逢龍兵譁治都奉

命進剿賴繡爲鄉導熟諳山川道里迅奏膚功洊保游擊補汀州營累官至潮陽羅寶副將據舊志所至威惠

交孚軍民翕服

漢陽縣識

卷三

人物畧中

十

徐永祐字天自居湘陰里明成宏間其遠祖傑竭倉粟賑里閭蒙大吏優免差徭世有德惠至永祐以康熙四十四年舉人登五十二年進士充武英殿分校纂修子史精華選丹陽知縣雍正元年分校江南鄉闈得潘思渠任啓運撤棘進謁謂之曰潘生努力事功任生精心撰述皆可以不朽也後潘爲名臣任爲名儒悉符其言調吳江攝長洲報最引見拜貂皮藥錠之賜

超遷蘇州知府雍正十二年尹繼善督雲貴苗疆復亂詔徐永祐赴黔交總督隨營差遣黔文武意見紛

歧督臣遠駐滇省師久無功明年

命張廣泗督貴

州統師進剿尹繼善專督雲南廣泗至黔策軍行進止
唯永祐所議協機宜乾隆元年苗疆平廣泗奏設古州
道員專辦苗屯善後事薦永祐勝其任 特授古州

道永祐輕騎滅從巡歷邊屯督課附循民彝畏服以積
冒烟瘴成疾卒於官子守基由拔貢授萬全令清介有
父風繼永祐宦黔十八載而為民彝畏服者又有嚴兆

梅兆梅乾隆六年副榜

舊志選舉表未載

考職州判

據舊志

補羅

斛州判屢權州縣篆僉繫去後思

漢陽縣識

卷三

人物畧中

十一

國家二百年來鄉會試三歲一舉

恩慶有加縣人領

解者凡四蕭芝最著蕭芝字昆田號嚴齋乾隆二十一

年舉鄉試第一明年成進士選庶吉士授翰林院檢討

充 文淵閣校理方畧館纂修保送御史四十二年父

憂歸遂請養侍母母憂服闋始回館時五十六年也次

年補山東道監察御史轉四川道嘉慶元年正月四日

太上皇帝開千叟宴於甯壽宮芝年逾六十與

焉拜

御製詩章鳩杖之

賜四年充會試同考

官旋遷工科給事中海升吏科掌印給事中八年

上幸翰林院芝以故翰林官侍宴復拜 賜御製味

餘書屋全集九年乞老歸十年卒於里門壽八十有八
芝敦品厲學鄉里奉爲儀刑在言路多所敷陳繕集成
帙病亟舉而焚之曰臣職言責敢存藁以賈名乎遂不
傳僅嚴齋筆談梓行先是李奇生以順治八年領解聯
捷成進士令南靖有慈惠稱後則石意恭以道光二十
年領解越四年成進士初授浙江龍游令改江蘇溧水
清貧幾無以歸云又張琅舉道光十一年鄉試第一大
挑知縣分發甘肅有幹才屢蹶屢起後官綏來知縣畱
漢陽縣識

卷三

人物畧中

十三

緝盜案卒於關外

項誠原籍歙縣父璘懋遷漢口遂家焉誠由貢援例敘
中書洊升至戶部郎中出守四川重慶府調成都著聽
斷稱遇地方修舉巨政頻捐廉俸以濟卓異入都卒於
旅邸成都士民哀之請祀名宦子大德庠生母病割股
和藥以療時嚴寒創痕風潰卒年二十六刊梯雲遺集
若干卷

路釗字景康乾隆二十五年舉人大挑一等以知縣發
河南歷署尉氏南陽充三十九年鄉試同考官嗣改省

福建署侯官首縣賠累虧空補將樂遂罷官弟鎔字鳴
于援例敘場大使發浙江歷任青村許村場擢諸暨令
調平湖遷杭州府西防同知卒於任昆仲悉善治獄詳
慎明允而鎔尤懋循聲鎔子文澤嘉慶十三年進士官
福建浦城知縣能繼父武文澤子長權運道光十二年
舉人官隨州學正次運棠廩生舉咸豐元年孝廉方正
廷試二等授直隸州同

丁仁靜字震齋浙上虞籍其先居貨漢口遂徙爲縣人
仁靜幼慧十四齡應童子試學使者拔冠一軍入庠旋

漢陽縣識

卷三

人物畧中

三

食餼學益勤貨屨出納一倚仲兄俄而逋負罄其貲夷
然不復問家既落乃事舌耕從學者多掇巍科吳閣學
苾最著顧仁靜數奇乾隆五十七年鄉試擬元卒以試
官爭意氣見遺僅由明經敘教職早年習達摩易筋經
有驗至老猶如強少壯卒年七十有九是年自元旦始
取家藏書竟日夕閱之至八月某日卷軸一周口稱不
快就臥明日卒若豫知者三子皆有聲黌舍伯丙佳家
居侍養以孝聞課子姪悉成名仲燿南字心臣鄉闈頻
薦不售改習申韓遇疑難巨獄援經傳例刑法家退舍

讓登故當塗爭卑禮聘延蓋橐筆徧游東南省矣尤篤
內行謁母墓審有穴蟻掘而吞之號泣不復歸畱卜吉
壤改遷仍終身引爲重慝季紹潭亦事幕游名行與兩
兄埒燿南子鹿鳴字萃原由副榜投保康縣諭縣入
國朝二百年科名不顯鹿鳴至集諸生互相砥礪王生
相善遂以道光二十九年偕鹿鳴舉鄉試鹿鳴旋聯捷
成進士咸豐二年補應 殿試授主事分戶部河南司
充寶鈔局監督會髮逆竄擾楚中乞假省親歸嗣丁父
憂起復入都卒於山西省旅次

漢陽縣識

卷三 人物畧中

十四

邱樹棠字景名號南屏原籍上杭父炎官廣東高要縣
丞解組僦居縣之漢口鎮旋卒樹棠旣孤貧甚益刻苦
於學旋補諸生舉鄉試嘉慶元年聯捷登進士授主事
觀政刑部十六年以知府揀發江南署徐州府調鎮江
揚州江甯三府值水旱偏災因工代賑費省而惠亦均
積有羨餘分儲常平倉粟士民悉勒石頌之權鹽法道
除江安糧道推誠布公裁減運丁幫費僉俯遵約束遷
江西按察使移山西就遷布政使復移江西護巡撫篆
高安民籲開金鑛直達於御史臺樹棠疏言地近會垣

聚人開採增課有限貽害無窮請永遠封禁 上允
其議道光初元擢山西巡撫樹棠先官藩臬日知晉省
水利失修民竈交困屢謀疏濬議而未行比任封圻迺
躬履各河道審湍溜緩急度地形高卑開引河築新堰
因勢利導寡財力而底成功始於近省汾水次及近河
東鹽池各水將推之全省爲三晉萬世利六年冬入權
刑部右侍郎旋即眞九年調戶部總督倉場 年卒
年六十有一樹棠起家寒素彌勵清操敷歷中外四十
年無私產無餘財門庭不改其舊尤見公忠體 國云

漢陽縣識

卷三

人物畧中

五

子端廕生初官光祿寺掌醢署正游升戶部廣東司郎
中緣事降補都昌知縣調龍泉賑荒有惠政無忝負荷
楊維謐字靜軒嘉慶七年進士以知縣發直隸補保定
調固安署順天府南路同知恂恂儒吏寓撫字於催科
故民感其恩而徵收踴躍逾常格報最引疾歸著述自
娛有燕翼堂文詩集若干卷子芳附貢生隨侍任所篤
志經書比父解組兩袖清風賴芳舌耕以養孫文錦棄
習計然有任俠風文銓歲貢生官監利縣訓導
袁應愔字小江嘉慶六年拔貢考授七品小京官分禮

部儀制司九年舉順天鄉試中十六年辛未科進士改
兵部主事補武庫司歷武選員外車駕郎中分校丁丑
禮闈京察一等 記名道光初除常德知府未任率
應愔久官駕部熟諳營制地輿甫寄專城玉樓促召人
皆惜之尤負知人鑒袁閣學希祖幼時以宗誼投謁應
愔一見大器焉曰他日 國家柱石臣也豈爲吾宗光
哉應愔子善采道光十九年舉人揀選知縣

袁希祖字筍陔號寄生浙上虞人父某隨宦戚游楚賃
居漢口娶室生希祖而卒希祖幼孤賴孀母躬親縫紉

漢陽縣識

卷三

人物畧中

六

撫育以臻於成立童年曾依浙鄉人習懋遷藐其貧弱
凌轢之憤歸復入塾讀展卷目十行下所從章句師無
以待問難遂自負漢人士頗不懌也小江部郎出爲調
護始獲與童子試場學使者拔置第一入膠庠舉道光
十七年鄉試考授國子監學正二十七年成進士選庶
吉士三十年散館授編修是年大考翰詹希祖列二等
第四名五轉至侍讀咸豐二年充 日講起居注官八
年洊升至 內閣學士 召對 上語及奇僻字
希祖歷舉音義根柢奏陳蒙 淵博之獎九年

簡福建正考官歷署禮戶工兵刑五部侍郎十年秋

巡獮木蘭希祖三上疏諫阻至斥權貴誤 國合秦

檜嚴嵩爲一人聞者股慄希祖負氣節乏攀援特以文字結知 明廷既累疏不報側名畱守而東望塞垣輒爲之哽咽歔歔浸以成疾明年七月 文宗升遐

哀詔至哭臨希祖幾俯不能興時會多艱仍未敢偷安休沐 穆宗回鑾按誅權貴希祖乃曰臣死目瞑

矣疾加劇旋卒未幾孤子晉亦殤初希祖京宦清貧父喪浮厝西關外咸豐二年髮逆陷漢陽始乞假歸葬牛

漢陽縣識

卷三

人物畧中

十七

眠未卜警報頻驚不得已葬大別山南羅漢臍穴是穴據形家言初年大凶後大吉無敢嘗試者袁氏葬不十年父子果相繼逝世

柏中照字硯生祖志聖篤孝友行中照以嘉慶十二年舉人大挑知縣發廣東用五署繁劇補授廣甯所至皆有政聲兩校鄉闈稱得士卒於官弟中埏二十一年舉人官龍泉知縣子樹藩廣西義甯縣龍勝巡檢咸豐五年殉節蒙 優卹孫春南豐知縣

龔桓字雲階祖書禾乾隆十八年舉人官長沙府授父

敏志行高潔以醫活人桓早歲篤志研經尤精官禮嘉慶十三年舉於鄉登十九年進士用知縣不赴改補德安府授本經學爲啓迪一如家居授徒時故士風蒸蒸日上卒於官書禾有昆仲行曰書宸書田以詩名宸有蔗味集田有閑澗堂草宸尤僻杜陵著杜詩問津獨抒心解不拾人牙後慧者

蕭德宣字春田幼不慧十二歲忽有悟援筆成文遂驚其長老甫冠舉嘉慶十八年鄉試明年成進士道光三年選陝西清澗知縣權鳳縣悉著政聲上游薦爲關中

漢陽縣識

卷三 人物畧中

六

良吏第一襄校

科鄉闈榜首出其門下丁父憂歸

旋居大父承重及母喪十一年江漢水災德宣會籌賑饑實心實事楚大吏將專疏保薦辭起復入都揀發直隸督部琦侯善迎而謂之曰聞汝在關中聽斷稱長其赴讞局清積案未幾補臨榆移威縣東明遷大名同知署天津海防同知引退終於里門德宣吏治寬嚴不拘一格善因俗爲變遷而所至輒加意於書院士林振興風化嘗曰傷元氣者能吏也培元氣者循吏也世以爲名言性灑落著蚩蚩先生傳以自況兼工詩文藁燬於

兵火僅蟲鳥吟若干卷梓行子書同治二年進士以知縣分發浙江官至候補道

丁澍字春畚父尙斌忠厚世其家家寒素澍早年服賈養親坐米艘中仍日手一編不廢讀出而試冠一軍獲補諸生嘉慶二十四年優行貢成均考授八旗教習課金臺書院文名藉甚諸當道爭延訓其子弟道光十一年卒於京邸門弟子史觀察致昌爲繪負米讀書圖徧徵題詠於是都人士爭知丁孝子孝子兄濟諸生敦孝行蒙 旌揚里黨稱二惠競爽弟泌樂善好施尤孜

漢陽縣識

卷二

人物畧中

九

孜提攜後進間以牽累仍不愆其素云長子暘候選同知繼美竹林慨當以慷次煜藍翎訓導次燦咸豐元年舉人現官阜城知縣濟有子燕春官廣濟縣訓導泌有子祥以諸生從戎黔省積勞保候補同知厯署威甯黃平州遺愛在民

史佩瑄號鸞坡道光五年拔貢生是科舉鄉試十三年登進士選入詞垣十七年典廣西鄉試榜出多知名士其尤顯者蔣府丞達王通政拯也旋改御史厯監察江西福建京畿道出爲永平知府引退游江左主吳門各

書院講席咸豐年間淮揚大帥延襄戎幄積勞奉
旨賞戴花翎起用入都卒於邸寓佩瑋工詩古文辭脫
稿卽傳鈔偏輦轂屢操直省鄉墨選政著作等身燬於
兵火僅分韻指南桐陰小榭詩賦鈔梓行子寶恬候選
訓導

吳世銓字職衡父塏篤孝友行銓早歲蜚聲庠序七膺
鄉薦不售充道光六年歲貢就教職權鄖縣咸甯篆後
選襄陽縣訓母老請養歸侍者十八年母卒壽逾九旬
銓亦逾六旬矣服闋補原官卒於任世銓性耿直善爲

漢陽縣識

卷三

人物畧中

三

人排解里閭資季諾焉離商重其名聘延總理以母老
家貧俯就之所入甚豐然隨手揮霍從不儲財產自封
晚年仍資苜蓿齋以贍訓襄陽日值捻匪往復窺邊會
辦城防從事賢勞爲健少壯所不逮云弟長春由貢授
羅田縣諭遷宜昌府授遺澤猶在士林子傳灝道光二
十六年舉人初官嘉魚縣諭以軍勞遷中書舍人出爲
常德府丞祇適考訓罔替風規

胡兆春字東谷晚號潛髯居漢口鎮父桂生字懋修道
光年充歲貢教授里中躬行以率門徒之盛爲江漢先

兆春童齡入泮旋食餼試輒冠其曹以道光五年拔貢
舉十五年鄉試聲稱震京外名公卿爭延適館堅不赴
侍椿庭承講席門徒益眾名益高咸豐年間髮逆踞武
漢兆春避居鄉僻胡文忠中丞林翼駐軍金口物色得
之兆春以居父喪辭差弁復至兆春又辭繕陳夙構和
將策一道時文忠懲楚中吏治惰窳厲精整飭而制軍
官文恭文方務博大收豪俊各持意見不相下蓋隱以
寓諷也文忠報書略云策論領悉佩作韋弦執事郡邑
之望不爲某屈獨不爲地方計耶兆春乃詣營謝曰書

漢陽縣識

卷三 人物畧中

三

生罕達時宜議論容有可採不堪佐帷幄任非敢抗明
威也既文忠詢楚名宿某對曰亦兆春之屬耳文忠不
懌遂謝歸未幾名宿至所策多不可行文忠爽然檄兆
春綜新隄牙釐局務附書守令敦迫就道兆春乃赴局
時釐務初興章程瑣細兆春俯順商情酌予改併抽收
益踴躍逾常武漢復局移漢口再三辭不允會開館纂
讀史兵略始得請兵略甫成書而文忠薨兆春遂歸鄉
居者十餘年卒壽八十有一兆春魁幹美髯沈默寡言
笑宏深抱負而峻立丰裁遇地方大政事守令造廬請

謁一刺禮酬外不復私往嗣受知於胡文忠軍行機要
屢飛檄諮詢之弗以自耀文忠嘗誦獲不肖牧令數人
以問兆春不對固問起對曰兆春不足以知此竊意慎
選道府而信任之親臨表率不肖牧令無敢肆矣誦一
二事似未可槩其人也聞者以爲名言兆春積勞保同
知畱湘補用加運同銜仍被服如儒生幼讀書目十行
下腹笥淵涵而好學至耄耋不衰云著尊聞堂文集詩
集制藝試帖時事策及讀通鑑史漢書劄記若干卷子
長大文童齡餼食膠庠能世家學惜年未及冠而殤次

漢陽縣識

卷三

人物畧中

三

大經同治六年舉人現官貴州大挑知縣

黃文琛字海華道光五年舉人考授國子監學正擢助
教外用同知補湖南寶慶府遷永州府知府積軍功勞
開缺以道員補用卒於湘垣寓次年八十文琛器局雄
偉敢作敢爲寬以待下善因材授事故士樂爲用所向
有功而氣凌其上卒多齟齬不獲登顯仕守永州日髮
逆潛窺土匪蠡起省大僚夙慙文琛請兵請餉皆弗應
唯日以忠義激厲士民自相捍衛使郡屬鞏若金湯故
雖讒謗萬端其功終不可沒云始爲諸生卽以詩文名

比官中外名益高學益勤毫而彌篤著書甚夥梓者思
詒堂書東詩集若干卷兄文玠道光十四年舉人玠孫
嗣翊同治十年優貢博學強記文筆亦刻深如子張制
軍之洞視學湖北特賞之謂其砥礪於成允爲通儒惜
年未及壯而卒

忠蓋明吳暢春字梅初官潛山天堂寨巡檢崇正八年
流賊蔓延皖北暢春以天堂寨險隘賊所必爭集民兵
嚴守禦冬賊來犯暢春督軍往拒身中二矢不爲動仍
麾眾前進賊驚潰九年春賊又至暢春結草千束深夜

漢陽縣識

卷三

人物畧中

三

舉火於四郊賊疑爲援軍環集逸不復窺天堂史閣部
可法方備兵安慶深器重之是秋北京戒嚴撤東南兵
入衛賊氛遂熾明年二月賊眾漫入潛山暢春慷慨誓
師用寡擊眾相持者旬日卒以孤軍無援力竭寨破死
之潛人思其保障功請祀名宦又舉人胡維昌義民劉
士帥則以崇正季年糾鄉兵保障里黨卒遭流賊戕害
僉亦推爲義勇云

王會篇字治徵崇正九年舉人官武昌府教授獻賊陷
城遣十齡子澹由水門出遁以存宗祊闔門三十餘口

殉節據舊志澹育於黃岡某貧儒家會篇門下士也教養

成立歸入郡庠會篇至乾隆四十一年 子祀昭忠

祠同時有謝純培天啓四年舉人寓省垣李燾諸生為

楚府儀賓均不屈死

乾隆四十一年 詔卹明季死事之臣縣人蒙

賜諡節愍者二劉成治字廣如崇正七年進士初知廬

陵縣福王時遷國子監助教擢戶部郎中 大兵渡江

忻城伯趙之龍將出降入戶部封府庫成治憤擊之之

龍走免比城陷成治慨然曰國家教養三百年遂無一

漢陽縣識

卷三

人物畧中

五

忠義士上報累朝恩乎題十六字壁上云鍾山之氣赫

赫洋洋歸於帝側保我冠裳自經死秦民湯榮縣知縣

獻賊陷城公服端坐堂皇罵賊不屈賊攢射死

張京字肖極先居黃陂後徙縣之柏泉鄉其父以無嗣

續禱於木蘭山上真武廟夢神指旁侍大將謂之曰以

為汝子乃生京早年入泮敦氣節諳韜畧舉萬曆四十

六年鄉試選三原縣諭無知京者崇正五年洪文襄承

疇督三邊器其才勇薦升為洮岷兵備副使屢挫流賊

著戰功 國朝順治初年秦列城皆潰京收合殘兵聞

關人蜀唐王授京巡撫桂王晉京兵部尙書據舊志責令

規復全蜀諸將皆跋扈交訖罔遵號令京再三激以忠

義糾集十三家兵保川東屯田濟餉不擾閭閻民漸歸

之八年文襄駐軍長沙拘京長子邦憲而遣其幼子邦

甯賚書招撫拒弗應既而十三家兵自相攻併潛赴

大營納款軍遂潰或勸京遁京曰僕年八十殉國已晚

得不改衣冠從先帝於九京足矣遁將何之遂賦絕命

詞具文錄自經死舊志墓在花園蕭曠字逸然由年

武舉任黎靖營都司征苗峒有功升副總兵桂王自武

漢陽縣識

卷三 人物畧中

三五

岡奔靖州將再奔柳州諭曠扈從對曰臣請死守靖州

緩追兵則乘輿安抵柳州矣 大軍至乘陁固圉比陷

曠猶短兵巷戰力竭死之京文人能荷戈陷陣曠武士

讀書窺大意世亦以此多二人云

國朝羅鳴序字懷彝幼從許明經之楨游之楨學有根柢

以節義激厲生徒鳴序佩師訓尤摯舉康熙五十年鄉

試雍正二年授州牧發貴州用補麻哈州十二年苗疆

蠢然檄兼攝黃平篆據舊志甫入城賊已合圍鳴序知勢

不可支緘其印交典吏賚省請援未至城陷死之張經

略廣泗師復黃平獲遺尸 奏聞 卹如例嘉慶年

恩給世襲

徐諗字折衷由貢授雲南鄧川州牧改四川漢州乾隆三十六年金川復亂大軍進討西路糧糈駐登春諗隨營襄辦轉運三十八年木果木軍潰苗眾進逼登春諗請集糧夫收潰卒固守待援不可復請焚糧糈勿爲盜齋猶豫久之始令諗畱後舉火軍遂行火舉而賊四面環集矣諗且戰且走火鎗中其冠因脫示同行者曰此冠護吾吾其珍守之語未竟鎗復中頰墜馬死事聞

漢陽縣識

卷三 人物畧中

三

恩卹如例初諗奉檄調營以策干大帥不用日事遷延諗知勢不可支儲脫齒荷囊中豫寄其家以示死志

後果見危授命云

舊志墓在新佃鋪

咸豐初年髮逆創亂文武官吏望風潰吾縣人服官廣西文臣死守土者有權永安州知州吳江武臣死交綏者有賓州營參將蕭逢春江字雲峯以州吏目發廣西歷署邊邑巡典摘奸發伏羣盜斂蹤補新甯州吏目適勞廉訪崇光奉 命宣封越南稔江習邊事檄調隨行自隆昇至富春往還萬里江圖其山川險要而歸嗣

佐西延軍務有功保薦升用金田賊起大府檄江赴永安州城會同防守旋委權州事州民何洪基潛通賊捕而寘諸法賊憤甚潛師來襲爲協防平樂副將阿某所扼不得逞迺改道籐縣入犯江與阿副將迎擊斬馘相當賊來益眾天已暝始休兵入城守賊合圍六晝夜攻益急餉援皆絕兼乏水掘井至二丈許無泉源江解所佩印遣其子縋而出赴省告難城旋陷與副將阿某巷戰死之江妻劉氏亦罵賊死署中從死者二十八人時元年八月初一日也事聞 優卹有加逢春以道光

漢陽縣識

卷三 人物畧中

七

二十一年武進士授二等待衛外用都司發廣西積勦賊勞遷補賓州營參將逢春早年善射家居日嘗弋飛雉佐盤飧及臨陳身先士卒射取騎馬賊酋皆應弦倒故賊畏之如虎咸豐二年髮逆解桂林省圍竄湖南諸軍勤勤彌年月冀出竟少予休息逢春率所部先躡賊蹤賊聞風遁至湖南邊竟 賊探知軍無後繼乃

反兵鬪逢春衝鋒陷敵手戮梟獍多人力竭被槊矛叢傷死之事聞 優旨照副將例給卹凶訃至家妻嚴

氏殉夫投繯死吳江蕭逢春均蒙

予建專祠以從

死殉節者附祀

吳長庚字少伯先世歙人業鹺漢岸父某以好士樂施罄其家遂入縣籍長庚夙慧十四齡游泮水旋由廩貢援例敘廣文官歷署安陸公安光化諸縣道光十五年舉於鄉二十年會試挑取謄錄例得縣令不就選補武昌府訓導教士有方上游屢擬疏薦辭咸豐二年冬十月髮逆陷岳州順流東下省城戒嚴長庚督生徒分陴任守寒夜罔敢懈十二月初四日賊轟城傾陷長庚歸具公服詣明倫堂北面再拜仰藥死眷屬從死者十餘

漢陽縣識

卷三

人物畧中

三

人時江夏縣諭爲吾縣魯唯以道光元年舉人大挑二等選斯缺聞城陷亦奮躍泮池死長庚治詩古文詞清綺溫婉唯則和平坦易藹然如坐人春風及臨難悉毅然不可奪賢者固未易測哉初警報聞縣人入省謁二校官曰吾府縣學博皆乞府檄集鄉團爲走免計君等一命微官曷仿而行之長庚指明倫堂曰官微此堂亦微乎唯指泮池曰萬一不測此孔孟成仁取義所也卒踐其言事聞 恩卹有加明年春丁屆期鍾茂才靈感而弔之有詩句云一命何須全大節隔江分胙有人

歸僉以爲實紀鍾靈字雲舫豪飲工書晚仿石菴相國體醉筆尤淋漓盡致名馳南北省乞屏聯者門限爲穿語尤妙詼諧弔二校官詩亦見舌底翻蓮云

宋贊元道光十七年拔貢生舉二十年鄉試就教職二十四年選黃梅縣諭咸豐二年髮逆竄擾黃梅贊元會縣令鮑開運督鄉兵擊走之三年廣濟土匪起激厲鄉團扼邊隘地方以安九月賊犯皖之宿松縣將窺黃梅贊元領軍迎剿賊改道徑踞縣城遂走塔軍門齊布營請兵隨同恢復十二月賊又至復隨劉副將富成營出

漢陽縣識

卷三 人物畧中

无

戰於大河埠自辰至午斬殺過當城守兵單無後繼軍遂潰贊元怒馬抽戈堵截潰軍爲背城借一計賊四集刀矛叢其體傷凡二十有五勇丁姜宏烈從死焉聞於朝 恩卹有加襲世職建專祠採事狀入 國史傳贊元不朽矣子梅官訓導兼襲雲騎尉餘亦庠序有聲

劉用宜郡增生援例敘訓導職咸豐年間襄辦楚軍營幄保升教諭加五品銜十一年選麻城縣諭時髮捻剽忽往來麻城當楚豫衝衢數遭圍擾用宜會同縣營督

生徒分陣任守並相機出軍雕剿以遏凶鋒至同治四年積勞傷發卒於官蒙

恩照五品官軍營病故例

給卹

劉慶餘字琪峰父有受工書蚤卒慶餘垂髫承訓出筆卽落落方家比孤貧遂備書養母刻苦以治詩古文補弟子員咸豐年間髮逆竄擾楚中轉徙客長沙沔陽戚太守天保一見奇其才延佐局務妻以從女已而武漢肅清慶餘歸辛酉拔萃科期屆矣貧逡巡不前或助以潤筆貲始獲入與於選同治二年癸亥 廷試二等授

漢陽縣識

卷三 人物畧中

三

知縣發陝西五年署神木縣縣邊蒙古部落屢經狽亂城堞傾圮民戶寥落如晨星慶餘至輯流亡勸耕植以農隙修治樓櫓練習戎行民保於城始有固志六年冬受代者至士民詣臺借寇格於例僅允畱慶餘襄辦城防七年正月初旬警報聞人謂慶餘盍去諸則正色曰此城民眾吾招之使來聞警忍棄而先去耶且吾見吾楚之守土吏矣賊至不死其職而徼幸出城免死而卒不免於死後之人遂掩其不死職之實而文以死事之名吾方唾罵之不暇庸以躬蹈之乎十四日賊薄城慶

餘與新令尹分俾任守其中表陳把總聯勝實左右之
歷七晝夜不少懈二十日子分南譙火城旋陷麾陳聯
勝往禦巷戰死慶餘從容入縣學投繯於大城門廊死
事聞 優卹有加慶餘短小精悍居平盱衡當世事
忼慨激昂發爲詩歌亦灑氣流行楮墨間比臨危卒踐
其言云

汪傳懿字綱菴議敘從九品職原籍吳縣祖蘭官縣之
仁義巡檢遂畱寓漢陽父敦復游浙歿於旅邸傳懿星
奔扶柩歸葬事竣母老無以爲養乃輟舉業治書記駢

漢陽縣識

卷三 人物畧中

三

儷文冠絕一時諸當道爭羅致之其子家政習申韓學
成遂卻聘家居輯駢體南針十六卷梓行著筆耕賸稿
待刊咸豐二年十一月十三日髮逆陷漢陽傳懿罵賊
死恢復後家政覓遺尸不獲卽殉節處樹豐碑恭勒

恩予卹典旁及名流傳表題詠環築短垣叢栽松柏
濃陰翳翳過閭者恍見浩氣英風家政字蓮生胸無城
府好盡言西蜀嚴中丞樹森湘南周太守樂黃太守式
度禮羅勦助悉以著循績膺超遷後入張方伯建基幕
不終局而歸歸而病病逾年而卒方伯已解任滯都門

矣

漢陽縣志

卷三 人物畧中

三

漢陽縣識卷三

人物畧下

行誼宋張昌中處家以義歷世不分馮三元京贈詩云
一水滌澗繞沌村子房苗裔至今存同居八世三千口
可惜君恩未表門後孫杓知漢陽軍嘉其義捐俸代為
納稅事聞表其閭曰義門

明王化孝子也親柩在堂比鄰火化泣禱於神火立滅
蔡學使潮題孝友感應表其門化以正德年貢入成均
官孝豐縣諭

漢陽縣識

卷三

人物畧下

初刻乞校

一

廖應魁居漢口正德年間市場蒸蒸日上有無賴子投
獻其地於楚王府希假以魚肉商廛守令無如何應魁
挺身爭辨王府拘而刑訊榜掠交加體無完膚終不肯
移詞誣服後有陳於朝者直指至事乃白

國朝黃金階黃儀父子敦孝行居親喪廬墓終制金階廬
墓有白鵬來巢之異儀廬墓有巨蟒護守之祥且墓田
所種瓜一帶二實僉稱孝應金階有名庠序早卒其妻
何氏年二十九守節至五十歲卒節孝萃於一門人遂
名其街曰黃孝子里

雍正元年

旌建兩孝子坊在漢口花樓街下即孝子里也咸豐

年間毀於兵同治元年易坊
爲碑立月湖隄之鐘樓下

王天一居蔡店丸髻日父行貨於滇之水西不通音耗者二十餘載天一稍長語及其父輒嗚咽不自禁道遠無貲後乃乞食往尋凍餒危殆者屢矣卒抵父所父以責收未畢歸志遷延天一再三婉懇始奉迎以歸歸逾年而父卒天一哀毀骨立未幾亦卒時康熙

年也

蔡五名傳習亦居蔡店傭工以養母年四十遭癱瘓疾母年七十餘矣傳習遂匍匐號乞於市得食必先奉母餘乃自食不足則忍飢終日晚寄五通廟廊如是者數

漢陽縣識

卷三

人物畧下

二

年有方士搖虎撐者見而謂之曰子純孝吾爲子起瘡予一藥丸吞之隨針其肢體上下凡十餘穴呼曰起傳習則竦然立矣眾驚異方士旋入廟跡之不復見傳習既愈仍以傭養母年八十餘卒里閭高傳習孝行賻有加殮葬得如禮傳習後傭於賻助家益加勤蓋隱以報也又五年無疾而逝丐者張八名大榮居麥山陰乞食養母如蔡傳習母既老疾大榮積乞餘錢豫製附身具悉周母卒里人助而葬之大榮遂支席墓旁不去越數年卒人遂卽支席處穴以葬大榮從其志也蔡張兩孝

子舊志未詳何代人不可攷已同治十一年大別山麓有生依父母墓旁死卽葬焉如張大榮故事者則爲黃陂劉仁全先是捻匪之亂仁全奉父母避地東關傭工謀養父母相繼逝仁全捧土成墳合葬大別山麓席其旁朝夕哀號逾一年卒年甫三十縣令林佐碑其墓道曰劉孝子

李廷梓居漢口甫離襁褓生母張氏被出長稍稍聞之不敢謁嚴父嫡母叩其詳也孝敬承歡無閒言比二老喪葬事竣乃放聲大哭曰天下豈有無母之子哉棄家

漢陽縣識

卷三

人物畧下

三

往尋徬厯於湘南江右不可得轉徙過宜昌遇之尼舍迎歸奉養又十八年母乃卒乾隆一十年觀風使者採以聞蒙旌孝子

漢口又有販鮮者李約子然一身母老且瞽而約則慤誠致養母幾忘其視茫茫也雞初鳴約潛起取垢衣裳踰褻器滌之伺母興具湯櫛沐旣竣趨市置果蔬歸進朝饗始出而鬻日盱視盈餘謀甘旨豫爲晚餐佐餽殺核餅飴之屬儲備時需相續不絕也夜篝燈誦嘏詞小說或述晝間聞見新奇事狀甚且臆造傳會以博母歡

娛母倦安寢約乃就臥三十年如一日母年七十餘病終約亦年五十餘矣葬母畢一慟而絕

索河吳遠忠母老患眼漏眵淚膠黏注而成疔遠忠頻以舌舐之九真山下蔡志遠母患疽膿血腥臭人掩鼻不敢近志遠亦頻以舌舐之有年矣突遇方士導往山中採九節菖蒲與志遠歸濯母疾立瘳再往方士不復見九節菖蒲亦不可復得矣若割股療親疾者舊志所載百十人計悉蒙 旌表詳具祀錄

朱天慶字開子生有至性姊適胡世珍年十九而寡僅

漢陽縣識

卷三

人物畧下

四

有孤甥獻賊之亂天慶負母攜姊而逃道遇賊刃其母以身左右翼蔽受創幾死母姊卒獲免孤甥則被掠矣母姊日夜相對泣天慶裹創走九江穿賊重壘求得之以孤甥歸後值歲祲偕邑人士請蠲田租忤當道將寘諸法天慶大呼曰我死租可除賢於生矣卒得請天慶名諸生工詩善書順治十一年以貢薦授知縣未任卒嚴宏遠諸生天性肫摯兄病禱於祖廟願以身代果不藥而病愈宏遠後貢成均劉再傳亦諸生康熙年間盜入室拘其堂兄某拷掠再傳奔往護救盜釋其兄而擄

掠再傳身被重傷越一日而歿

丁國昌康熙五十六年武舉人官至四川副將膂力絕人尤精射植炷香百步外百發百中公車塗次或言其地有巨盜攫取財物莫敢誰何大澤中耕牛百餘頭皆攫而驅入以待失戶贖金者國昌詣視果然因購一牛縱諸野誘之盜果來攘昌起逐盜盜反鬪昌一躍禽而拳其脅立斃招失牛戶各識其牛牽去眾羅拜昌遂行又嘗宿旅舍所啖肉饅不類視外門嚴扃下鍵矣旁舍有泣聲一少婦繫其內國昌潛以布裹所乘馬擲出牆

漢陽縣識

卷三

人物畧下

五

外隨躍而出馳詣城請兵圍剿盡獲盜魁拔免被繫少婦其俠烈之風有足多者後厯營汛亦以詰盜著能聲馮賡唐乾隆二十五年武舉人與孝感胡侍御紹鼎友善胡以文人而擅少林技賡唐以武弁而能文章人兩奇之賡唐官兵部差官有某公子牽累繫獄謀脫之傾囊不足濟繼以稱貸公子出獄而賡唐債臺山積矣遂棄官踉蹌脫歸

孫廷士原籍休甯父東武客亳州病卒遂葬於亳時廷士生甫六月隨母許氏轉徙至漢口廷士旣成立歲一

詣亳州墓祭至老不渝母許氏卒哀毀盡禮並狀其節
孝事實聞於吏獲

旌表子兆麟事親亦以孝聞兼
好施予戚族交游資以舉火者五十餘家而提攜玉成
者更不可數計性尤嗜學家藏書至三萬卷終日披對
無倦容書法亦卓然名家輯同館詩賦題箋若干卷兆
麟子謀道光十八年拔貢官候選知府

李本忠早年行貨巫峽見羣灘怪石嗟峨羅列江心夏
漲時層浪盤渦挾湍瀨以與石鬪榜子挽招篙稍有偏
欹人船撞裂漂流千里不知所底比冬寒水涸繹道出

漢陽縣識

卷三 人物畧下

六

沒崖石間高者插雲霄下者濡體足牽繩絆絕萬牛不
能挽回卽骨肉亦無從援手心焉傷之後乃捐數十萬
金剗巨石之橫梗江心者刊木表道以通繹夫舟行上
下者羣占利涉詳具平灘紀畧功何偉歟其他義舉皆
自檜以下已又汪必誠必相兄弟並慷慨好施如府縣
學宮考棚以及道路橋梁之屬次第經營而尤拳拳於
賑貧濟困亦足多者朱瀚家貲不及汪氏綜前後捐金
以萬六千兩有奇計咸豐兵燹後題名從祀獲附鄉賢
末光當亦瀚始願所不及也蓋嘉道之際市商殷盛裘

新建行恕宰吾邑前後十餘年登高一呼罔敢不響應
景從甚且有稱貸以弋譽者未幾而形窮勢見蓋不勝
今昔之感焉傳曰形民之力而無醉飽之心旨哉若鄉
里好行其德者則有彭家邊之曾宗泰羊祜山之姚培
翥太頭河之張爲炳蔡店之王德謙餘具舊志

洪錫錄字紀堂原籍涇縣賈於漢口遷焉爲人謹厚質
樸敬禮師儒道光二十五年夏郡守庭楨籌修府學者
棚延錫錄駐工督理閱歲而告竣費約工堅例膺獎敘
辭壽至八十有二卒子汝奎道光二十四年舉人官兩

漢陽縣識

卷三 人物畧下

七

淮鹽運使

周達純居大軍山麓早孤事母孝母好施達純故寒素
輒多方稱貸以應鄰里咸蒙其惠咸豐五年賊擾鄉達
純老病弗及避賊厲聲恫喝詞弗屈燔其居脅之詞益
厲賊將加刃焉鄰里羣譟而呼曰此吾鄉長者我輩願
以身代賊格於公論釋而去達純年屆七十卒卒之日
遺訓諸子曰吾家世好施吾力不贍不克博施以終先
人志此心負負達純暨配陳氏遺橐千金會光緒九年
山東水子秉禮

官莒州牧

舉以助賑

旌建樂善好施坊

王遠翱字雲衢世居沌口忠厚傳其家遠翱早年刻苦於學補諸生課江漢晴川兩書院榜出輒冠全軍而鄉闈頻薦不售學益厲咸豐年間兵火流離猶袖一冊於道塗間吟哦弗輟七年武漢復明年湖北鄉試遠翱中式墨藝人選年近六旬矣又十年而卒遠翱與人接和光溢眉宇而風骨挺然不奔走烜赫門庭不干豫地方公事青瑣坐擁泊如也故士林尤奉爲楷模

馮道薰字伯陶居柏泉水鄉早補諸生刻志爲帖括之學秋成日督刈禾於隴畝袖一編吟哦自若刈人竊負

漢陽縣識

卷三

人物畧下

八

禾去不知也故鄉人僉推爲長者咸豐季年蝗蝻食禾鄉人推道薰資望連名陳之府縣府守某符名對簿盛聲色臨之道薰故吶吶至是遂不能置一喙守愈怒將以飾災抗糧禱其名眾爲哀求始獲免士乃無敢報災者歲小歉里差橫暴鄉村中旁觀抱不平鳴口甫啓縲已加諸頸矣唯比以魚肉良懦者逋賦如常同治九年道薰年六十矣舉於鄉鄉人僉曰是乃天道某守不次超遷官至河南布政使卒以地方大旱匿災橫徵罷

文學元景厚字德載領鄉薦入都左丞許有壬師事之

明勞長祚字元錫諸生與熊彥升堵四甫計開之立別山社主持文教多士爭景從之風俗丕變彥升熊鳴盛字具熊伯龍傳堵四甫名維垣歲貢生官教諭計開之待攷長祚孫必達 國朝康熙六十年進士官昭文知縣維垣子嶷 國朝順治十二年進士官陝西學道

國

朝蔣鳴奎字西章世居黃陵磯十歲陷獻賊營中飢寒交迫歷四旬始獲逸出遂病羸阨父母憐之不忍令就塾鳴奎晝則伏案習書夜俟父母寢竊燈照誦學益憤後補諸生遂棄舉子業肄求六經性理之旨顏坐室曰漢陽縣識

卷三

人物畧下

九

思過偶有觸發援筆記注彙爲就正編二卷書法米南宮具體而微子二長魯封以文鳴有望藩存稿次魯傳以詩鳴有願學堂集同治年間其里後學合刊爲蔣氏遺編始傳於世

龔臺字南白王三登字來碩比肩鬢舍砥礪爲古文詞卓然名貴皆無子遺稿散失僅臺存游嵩陽寺記一篇繼起有貢生錢韓雲諸生廖大椿程殿璋悉能文章膝下亦無收其遺藁者遂不傳

王翰字東自康熙年副榜唐裔潢字澤元歲貢生設帳

漢皋弟子從游者百十計兩人悉敦品厲學夙然樹一代典刑學者述師承輒稱王唐二先生云翰有四書心解傳鈔徧士林裔潢制藝稿刊行子冕舉康熙四十七年鄉試

楊律號菊澗雍正二年舉人官邵陽令旋告歸精心考訂著六經井見集

李漢滋李鑑父子名諫膠庠鑑於雍正年貢成均著凌滄閣制藝三入堂詩集兼工書鐵門關舊顏天地正氣四字其遺筆也李氏世居水洪口後裔李能安道光十

漢陽縣識

卷三

人物畧下

十

二年舉人官竹山縣訓

戴豫讓字景皋弱冠以詩古文名楚北乾隆七年舉於鄉典試爲陳宮詹兆崙僉賀其衣鉢得傳人禮闈頻報罷選惠民縣令有惠民譽著聽鷓堂春草吟暨春聲堂文集陳宮詹爲之序梓行同時葉正達以文思敏捷名一日能成十數藝時稱文虎舉二十三年鄉試官安陸

縣諭

劉德澤字蒼膏居侏儒山麓嘉慶年由歲貢官雲夢縣訓敦品行能文章尤盡心以植育人材出門下者多知

名士子成瓚字瑟堂歲貢生克遵風矩爲里閭型父子俱臻上壽嗜學弗衰著望霞書屋制藝梓行

王承道字春帆道光年歲貢生早侍父宦游八閩所從學皆宿儒始事於班馬賈董之文詩賦亦泝源漢魏故所作悉古音古節脫然畦封試輒冠其曹同學惟易長馨胡惟遠亦旂鼓不相下三人最爲莫逆交承道子某童試舞弊事發逸牽致胡易繫公庭久之脫然易胡廉隅夙飭陷非其罪士林冤之承道以慙負良朋杜門謝客易胡至徑造其室歡言若平生僉推二人雅量益心

漢陽縣識

卷三 人物畧下

十一

折承道文行服人云承道配劉氏漢川劉進士珊之妹亦工詩有閨中倡和集承道老病併所著遺草舉而投諸火蓋隱痛負荷無人也然承道門下士各分一藝已卓卓傳人比鄰諸生金德森門徒濟濟亦與承道相等埒而知名士遜之

馮燮嗜學雞鳴起篝火讀經或笑曰何其早也燮曰平旦之氣不可失吾以收吾放心耳余蒸課徒以朱子小學爲宗衣冠必整容貌必端禮儀必肅脩脯非所計有不遵塾規者斥之人亦以爲迂馮燮余蒸皆績學不遇

雲望草堂長子湘懷博學多聞游屐徧南北遠逮俺荅
舊部一託之於詩章有三山游草西湖紀游獨持皋廡
諸集次子棨詩亦清絕有輟耕吟兼工繪事疏遠有致
文師汲字賓門嗜讀書負氣性文疏爽而峭勁詩亦沈
鬱悲涼里有故家粥妻子營親喪師汲聞之罄典衣篋
贖還游京師刺謁一顯者聞弗爲通勃然曰乃公出身
儒者方以士不及門爲羞今乃知若輩所尼也拳擊之
顯者聞而出謝師汲拂衣去由是知名然益爲羣顯宦
所畏嫉矣遂走秦晉道齊魯放舟於吳越豫章弔古述

漢陽縣識

卷三 人物畧下

三

懷以紓其憤懣之思曰紡山草堂集汪遯于名類以字
行六歲解吟有孔李譽稍長喜談兵滇黔不靖短衣負
劍謁軍門以策干大帥不竟用遂謝去還而究討於風
騷源流詩學猛進縱游南北勝山水與名流更唱迭和
角勝詞場晚乃退隱漢皋哀其作爲東漪草堂詩稿石
城徐方伯惺舊與遯于交蒞楚日數減騶從過其東漪
草堂車笠忘形歡言道故遯于兼工鐵筆徐偶以佳石
屬之越數月詢及遽對曰某非石工甯受束縛耶徐笑
謝不遑遯于篤友誼吳門程開瀛客死招其孤秉禮於

家飲食教誨女以女秉禮後補弟子員有聲操選政者
吳仕潮字韓若晚號秋谷老人原籍歙縣父其銓商而
禮士富而好施仕潮早以詩文名雅愛客嘗作懷人詩
紀知交哀然成帙著滌器軒文集野餘閣詩草若干卷
選刊五家詩竣復搜彭湘懷散稿附梓其拳拳於表章
沈晦如此弟仕沂緣事牽繫彌歲年矣不得白寶應王
進士嵩高蒞宰漢邑仕潮投牒訴妃黃儷白工妙絕倫
嵩高夙耳仕潮名比判牒益信無虛士爲籲於上游釋
仕沂遂與潮訂文字交人交稱之序五家詩爲段嘉梅
漢陽縣識

卷三 人物畧下

古

嘉梅字寒香諸生文清空流利丰致天然詩亦如之著
寶笏堂集五家外又有方璫者諸生文啓子選雍正七
年副榜官長陽縣諭喬梓工詩璫著南游草阮茂才龍
光好游有錦江吟珠江吟第二碑紅藥齋諸稿趙茂才
湘有楫青堂集尙錦堂有東游草王文甯有挹露軒集
而朱蘭田布衣詩名尤譟蘭田名在定

彭一楷字秋堂貢生文詞奇麗宗徐庾詩律出入樊川
丁卯間時仿劍南不拘一格著耕雲堂集十 卷平生
游屐徧天下嘗著天海奇觀搜羅瑰異足補郭璞山海

經之遺

程秉字耕雲道光初年歲貢工帖括兼善詩詞駢偶文
千言立就斐然可觀覃懷公所有別墅曰豫成園秉爲
記書懸庭壁德州劉松嵐觀察

道漢口小寓園中

見極歎賞抄而度諸行囊謂人曰此行得程君作不負
楚游矣復中間見秉索其寶緘齋詩藁一冊去

夏之勳字芳原祖永號石癯老人江西籍游楚愛晴川
山水勝徙焉著烟鬟閣詩草閣藏書畫鼎彝碑板甚夥
之勳陶泳其間遂酷嗜金石文字以篆隸名兼工設色

漢陽縣識

卷三

人物畧下

五

花卉汪制軍志伊進耕織圖遣勳茶書上蒙

睿賞

勳又著載酒園詩話律韻辨二種蓋能世石癯詩學云
復有吳若梅亦以隸名而大多山人曹善則尤專精漢

隸者

具麥山注

善孫生恆諸生聰穎嗜學博識羣書惜早卒

朱如白字曉東工六書出入漢唐各大家遺貌取神乞
得尺縑者奉爲墨寶兄衣號柳塘亦工詩文有尊道堂
文詩集及醒世格言詩昆仲皆篤內行允爲鄉閭矜式
文苑不足盡其人

古書絹素今書紙紙日媮敗斯速矣故書不克以永傳

後人無從窺其門徑焉以余所逮士林中專擅書名傳所未具者又有羅人龍鄔大業萬方平原名光藻其結體固各自殊要皆奉二王爲正宗兼涉隋唐各大家元精耿耿而能力濡紙背不做宋元人以側媚取姿者次之馬金詔寸楷仿多寶塔小楷仿樂毅論亦名諫試場惜未克式廓規模云布衣如彭兆麟學顏鍾定元學董類能耽精凝志肖其神似然望而知爲山林客故儒者罕稱之還而視夫剽竊六朝僵若蚓脂若豬遁入牛鬼蛇神又不啻上下牀之別也

漢陽縣識

卷三

人物畧下

六

雜流蓮舫子築室郭外蓮花隄形如舫因以自號或曰前明勳戚李曹國裔文恭之孫杜門不出淹貫羣書尤熟於勝國典章客至則吸泉烹茗縱談無倦容客去則與其室黃氏分韻賦詩前後詠史作凡數百篇無子卒後稿遂佚

閔貞早失怙恃刻苦習傳神藝遂臻工妙屢貌其父母出詢故舊皆云不類貞思親不置荒荒忽忽非狂非癡人呼爲閔孝子亦嗤爲閔猷子一日有翁媪叩門問貞曰爾欲貌爾父母乎我導爾貞延入治具倏忽不見貞

遂仿翁媪貌之故舊驚曰子從何處見爾父母耶何神之似耶貞乃恭懸堂上朝夕進饌如事生歷久弗懈乾隆中年後藏班禪額爾德尼來朝命圖其形如意館供奉無一惟肖者貞時游京師金司空舉以應詔進呈拜白金文綺之賜名益著有弟子周逢盛得其似亦以傳神名

王本邵晚號東谷老人乾隆年歲貢生善書墨蘭花多葉少獨闢畦町顧不輕予人市有端溪青硯硯本邵欲購乏貲摩娑不忍去瞥見架旁縣東谷蘭輒詢其直倍漢陽縣識

卷三 人物畧下

七

於硯乃曰吾卽東谷畫以易硯可乎市賈延入就硯磨墨一揮而就賈大喜洗腆治具將以他紙繼進本邵不顧滌硯置懷中拂衣去

魯震人物李序韓花鳥蔡楨山水有漢上三絕名而縣人以山水名者又有高祚裕白敦信花畦老人祚裕學宗房山嘗雨中過蔡店望九真山雲煙縹緲嵐翠參差彷彿圖之見者恍躬親其境也又善寫敗荷酒酣耳熱指蘸墨汁隨意揮灑宛然如生敦信亦學房山兼師烟客筆意極淡遠渾古之致至花畦老人所作蒼老深厚

幾欲繼麓臺侍郎後來稱勁花畦向氏佚其名

徐聰字潛溪貢生志字鵠庭庠生棣萼能詩繼二王後而有二徐之名聰有古槎集志有肖情集又口占漢市竹枝詞三十首鋪敘土風聞者解頤願性疏曠聰尤甚客游棄家其友陳蘇借李益霍小玉故事作負心傳傳奇風之不省二王銘臣銓臣昆仲陳蘇亦縣中詩人陳相清字秋坪咸豐年間由諸生捐餉敘監司職耽吟咏習草書兼畫蘭石顧佻脫不可羈先世積金累百萬手揮霍罄之家既落遂日酒於醉鄉醉則嬉笑怒罵交

漢陽縣識

卷三

人物畧下

六

作牀第邪穢之語大廷稠眾申言之如布帛菽粟嘗以使酒罵座觸當道忌假事褫其職意豁如也語人曰相清他日死得題墓道曰酒徒陳某不庸愈於財虜某粟宦某乎既鄉人知其無罪也將公訴之御史臺乃獲開復越年而相清卒

筮顯模瘍醫馳名有雄偉無疾者謁之顯模視其色曰子將患瘍笑弗之信未幾瘍果發延顯模往治顯模曰子不早從吾言今非百日不爲功也後如期而愈其他奇驗多類此若舊志所載之王彭澤劉秉銓黃祚憲吳

家璨吳承膏及余所逮之楊春原亦悉能以術活人者
承膏有吳氏醫案梓行彭澤兼工詩畫著尺木堂詩集
秉銓則諸生儒而醫者春原診時疫十不失一尤邃於
婦科得傳青主三昧

李國木究心青鳥之術薈萃郭楊會賴四大家輯地理
大全一書入四庫於疑龍經撼龍經且多所刪潤蓋自以
爲心領神會者提要論之備矣

金鵬精於風鑑金壇于狀元振未遇時游湖北鵬相之
驚曰大魁也後果然武昌太守章培基詣問休咎曰且

漢陽縣識

卷三

人物畧下

九

勿遠言十日內當有災未幾廳事火他奇中多類是鵬
子祖謙由廩貢官武甯丞孫文元舉雍正四年鄉試
僧心道眉州徐氏子駐錫大別山文殊院宋建炎三年
元旦說法示眾曰正眼法藏瞎驢滅臨濟何嘗有是說
今古時人皆妄傳不幸但看後三月至閏三月賊鍾相
叛其徒欲舉以南奔心道曰學道所以了生死何避之
有賊至舉槊殺之血皆白乳大驚異引席覆尸而去
僧思業亦宋代人世爲屠一日屠宰間忽悟心源棄而
爲僧卒證善果

李道士明正德年住武當山日噉麥麩人呼爲李麩子
言吉凶多奇中荆永定郡王聘至蘄州問長生訣對曰
修身齊家是也辭歸舟泊漢口忽亡去後王以失德幾
廢除思道士言痛改前失卒著賢聲

仙爹姓氏不可攷

國朝順治年僑寓漢口言未來

事多奇驗一日指某處有災亟持杯水周巡十餘戶禳
之口喃喃有聲越日果火所禳戶獨無恙解孝廉乾濬
選舉表順治十七年舉人子以痘殤瘞尼庵側尋甦陳某過其處聞
啼聲收而養之解不之知也恆憂無子仙爹曰汝子已

漢陽縣識

卷三

人物畧下

三

長成矣不久當歸初以爲誕解偶遇一小兒於道貌類
已子隨物色之得其詳聞於吏斷給陳某養贍而子歸
解孝廉於是仙爹之名益著旋卒葬大別山表曰仙爹
墓今不
可攷

李奧機不知何許人順治初寓漢陽有黃孝子某母病
禱於乩乩令乞李奧機孝子覓獲於道塗間牽衣跪求
奧機愕然求益切時冬雪草萎奧機導孝子入大別山
岳中獲草一莖鮮菜如蘭拔以予之曰服此病立愈果
然舊志又江紹蓮聞見間言李拗枝康熙初乞食漢口一

飽外盡飯飢者賈翁覺其異頻呼而餉之割門外舍與
棲止有孝子母病篤聞李非常人晨潔衣冠介賈翁往
求之李曰我乞人奚能爲顧君念良摯宜爲計後三日
岳陽樓有啖牛脯者乞以啖母病可愈孝子以水程數
百里至難刻期再請李曰事急求吾而不用吾言曾有
爲人子而憚跋涉若是哉孝子迫母疾姑買舟行風迅
如駛果三日抵岳陽樓適二丐踞地共食窺之牛脯也
乞其餘不予以母病告丐曰且將去但屬李拘枝勿多
饒舌也孝子歸出肉餉母母病立瘳往謝李李已病越

漢陽縣識

卷三 人物畧下

三

日卒賈翁憐而瘞之後十餘年有蜀客賫書達謝並致
雙履啓械乃拘枝名履則殮物始知拘枝死殆爲人所
覺幻去云漫志疑奧機卽拘枝傳聞異辭兩存之

張志中字雲房乾隆元年舉人中歲遭家多故遂慕道
入峨嵋山不返或傳死於嘉定矣五十九年有人自丹
稜來持志中寄陳笠田書略云數十年來居止新店店
在娑羅坪去古光相寺不一舍比唐孫思邈隱處更覺
幽寂草木禽蟲迥非人竟牽牛花比常花大數倍蓼花
有淺黃淡綠二色禽聲清越毛羽五色者最多山高多

風樹木蟠鬱無高枝條條下垂著地濃陰可以憩息古
苔挂樹如亂髮鬢鬢長數丈冰凝其上如貫珠微風飄
蕩錚鏦有聲黃精枸杞隨地可饒間有大若五斗栲栳
者愈大則愈脆中有漿升許飲之數日不飢山巔一望
東西無際咸池虞淵近在咫尺朝夕吐納良亦甚便久
住此中人物都隔昨過尊者庵晤一道人言楚氛甚惡
賢有心訪道四十年紅塵臭味度已領略何不從此入
山乎附詩一絕蓬萊春信我先知鶴背乘風路不迷開
徧桃花三萬樹莫教花笑世人癡笠田志中問業弟子
漢陽縣識

卷三 人物畧下

三

啓緘披讀筆墨如平時始知志中無恙計年近期頤矣
蕭効用前明諸生蕭堯窠之僕巨猾孫景三劫堯窠金
捕之急夜聚眾闖堯窠室刃一老媪誣以殺人論死効
用密遣人具冤狀兼鑄利刃佩之巡按蒞郡効用右持
狀左出刃呼曰天平冤乎卽以刃自刎刎之再劃然有
聲巡按大驚命扶出効用氣絕巡按據狀研鞫得實卒
坐景三罪而釋堯窠

朱繼登童子蕭瞻聖乳媪之夫瞻聖方十歲遇闖賊潰
卒拘而欲殺之哀號乞免聲聞於繼登遂奔往詣賊求

代賊竟殺繼登而瞻聖得乘間逸

王大鏞前明舉人魏晉封之僕自言關中人殺人避讐
匿左良玉軍爲小校見左兵肆虐改而投魏崇正十七
年獻賊擾鄉魏他徙大鏞居守賊羣至暫奔入山谷爲
賊偵迫大鏞魁岸手一戈十餘賊莫能近也賊來益眾
知不可脫乃歎曰棄家而官棄官而奴今日之死忠乎
孝乎遂格鬪而死

朱天卷黃岡人以擔負自食其力性倔强致被役眾朋
毆傷遂寄食余家不受傭直亦不居傭名余甫垂髫間

漢陽縣識

卷三 人物畧下

三

與羣兒嬉輒厲詞訶止之亦甚愛余果餌新登於市購
以啖余重價不靳也余童年補諸生待之一如垂髫時
又二年爲咸豐壬子冬十月初旬髮逆警報聞余方侍
先子徙家鄉僻有書數萬卷藏城寓弗暇顧天卷憤憤
曰秀才愛財不愛書獨不念書爲累世藏乎秀才棄之
我將任守再三曉諭終不肯行余無可如何有道士聶
信貞云市民遷徙一空我無托鉢處願伴朱時城門已
囊沙嚴築矣縋而入越日城陷賊劈寓門入取藏書斬
刈踐踏之天卷奮與爭賊刃加其頸弗屈賴聶道士乞

免挾天卷踰北城出間而赴余徙避處天卷以踰城傷脛創未合猶日詈聶道非良善牽所事不終云乙卯秋天卷羈漢口卒死於賊聶道士衡山巨族嗜飲工詩棄而爲黃冠終身不收弟子曰吾自悞復悞人耶同治初年卒年近九十矣

列女宋汪母汪涯之母也涯善屬文辭賈似道宣撫江淮辟入幕佐元師進圍武昌似道賄和師退將露布上功涯瞋目曰陷人以財而退其師又兒弄主上耶似道怒搃殺涯其母聞之曰兒以直死差可下慰先人矣亦

漢陽縣識

卷三 人物畧下

十四

自沈於江

元陳氏武僉事妻僉事卒父母欲奪而嫁之陳氏對鏡針刺其面爲痛念夫情四字傅以墨誓死不二

明江氏周伏受妻嫁四年而寡護軍林寬將迫爲妾氏走哭夫墳沈漳湖死知府劉本用撈獲遺尸合葬於周伏受墓贊曰美哉江氏一死就義追躅古人流芳百世王石氏生子甫周歲而夫卒猶有遺腹未生氏以謁夫墓舟過南湖某豪豔其色劫之氏抱子赴水死今烈婦碑立腰鋪驛道旁

徐氏汪卷妻崇正年間人姑病氏刳肝和藥以進病立
瘳知縣楊四知表其門

李節女新甯令李國祚之女國祚由貢官新甯嚴明馭
吏民間有鐵耳公之號引歸貧且老崇正季年賊警日
聞無以營趨避女不解衣帶者旬月夜則密有針工父
母不詳也賊至女倉惶出賊愈偏女且卻且走尋至馬
家湖赴水死賊去獲遺尸於湖中表裏縫固爪痕透掌
而膚色如生

李么婦某宅婢也爲數賊挾至梅子山別墅將犯之婦

漢陽縣識

卷三

人物畧下

三

突起抓賊面血流如注賊怒遂殺么婦又張氏郭一作劉

興妻興業漁養母爲流賊所迫窮詰財物一無所有將

殺之張氏跪請曰姑年老夫死無以爲養願以身代賊

乃釋興而殺氏越三日尸跪不僵

仲節女浙湖州人父賈漢陽女隨侍有殊色賊拘得之

將以進其酋帥挾上馬旋自投於地傷額哀號不肯往

賊揚刃脅之曰身往何如頭往仲曰頭也遂斬其頭

程氏王旦生妻旦生以崇正十三年副榜赴監肄業家

屬畱寓省垣十七年獻賊陷城程氏攜子女乘間出覓

舟遠避舟未及行賊遽至乃促老僕導子女登岸逃自立於舟尾目送之賊掠舟遂躍水死子家琰後入庠序有聲女亦嫁名門

國朝節烈婦田氏王文綸之妻讀書明大義年十七于歸

文綸旋故氏乃束髮紉衣書絕命辭

具文錄

自經以殉

龔氏翰林院編修胡延齡之室知縣胡志潔之母也幼嫻姆訓習毛詩女誠諸書于歸時奩貲頗腆延齡故寒儒龔氏悉取以典鬻贍家俾令篤志經術訓子成名延齡登乾隆十三年戊辰進士選入詞垣年已五十矣越

漢陽縣識

卷三

人物畧下

三

三年辛未子志潔復登進士授直隸鹽山知縣改陝西米脂福建將樂悉著循聲志潔初任鹽山龔氏就養署中見北土荒寒收成歉薄購致楚省番薯教民種植遂成沃壤每聞堂訊鞭扑聲愀然不樂詰志潔曰豈爾教之未豫耶何犯法者之多也故志潔亦以慈惠稱胡氏父子工詩文刊行於世志潔名其集曰玗亭

陳貞女幼字宋正學于歸有期矣正學殤貞女往宋門縞素成禮孝事舅姑舅姑歿而父母老病乃還侍父母相繼逝貞女哭不絕聲哭數月卒貞女名涵字無波幼

從父龍巖布衣讀明大義習詩歌卒之前夕悉舉詩稿
火之採入漢南詩約者皆人所傳誦之作也

武昌府城東洪山有七級浮圖嘉慶十年正月有少婦
登至四級聳身簷外若飛鳥下投者眾視之衣履密縫
已折肩絕脰死矣越數日有老婦哭而至曰爾父母死
矣夫死矣翁姑死矣卽有欲奪爾志者爾胡若是之慘
死也人問少婦爲誰曰吾甥漢陽鳳棲里彭氏也僉呼
爲墜塔烈婦浮圖華言曰塔

賀龔氏賀國懋妻國懋生子文漢文彬旋卒龔氏紡績

漢陽縣識

卷三

人物畧下

三

撫孤訓以義方遇貧寒者輒節衣食分潤之嘉慶十五
年鄰不戒於火氏方寢疾二子悉他出文彬聞信歸及
門火燎簷矣衝而入援俄風反火滅俱無恙僉謂母賢
子孝之報咸豐元年氏年百有二歲五世同堂聞於
朝 賜銀帛表曰貞壽之門

陽山氏鄉農家女年二十餘而寡兄公將奪其志氏覺
潛挈二子走漢口傭食於大姓家後二子成立始歸鄉
以節終張氏盧榮顯妻顯病亟氏割股和藥進卒不起
氏年甫十九父老而貧屬鄰嫗諷之再醮誓死靡他迺

託疾召氏歸省氏抵家父故無恙心竊異之夜不寢忽聞叩門聲急自往拔關潛身扉後眾蠶擁入室氏卽乘間出踰跟走荆棘中顛踣數四僅還夫家而免年八十亦以節終噫二婦幸以智免矣而不免者何其多也鄉僻少婦新嫠僉視爲奇貨其家人始之以徧徧之不從集無賴子繼之以劫卽上訴於吏嗟何及已顧安得嚴明司牧先事以力挽頽風乎

王氏儒士黃德瑋妻德瑋以績學不遇遭疾而歿氏守節撫孤卒訓其子觀型入邑庠孫曾亦書香繼起里黨漢陽縣識

卷三

人物畧下

天

稱之
王氏汪輝宇之室輝宇卒氏年二十八遺腹生子肇疆縫紉自給守節撫孤肇疆長娶吳氏生子泰來而肇疆又以咯血病卒吳氏上事孀姑下育弱息亦以孝慈聞里人採姑婦雙節事狀聞於吏悉沐旌揚

黃氏嫁夫詹某非良善姑尤潑悍將徧黃氏爲賤堅不從至火烙其體膚殆徧卒斃命地方聞於吏吏轉以忤姑定讞貞魂不泯嗥哭煩冤月黑雨陰聞者悲之越數年里人復據實公陳蒙恩特予坊表時光緒年

月日也

漢陽縣識

卷三

人物畧下

完